

文苑英華卷第七百七十一

連珠

連珠

梁宣帝二首

沈約二首

吳均二首

劉孝儀為人作二首

庾信擬作四十四首

蘇頲為人作二首

喻對

喻古之治一篇

治家子言一篇

奔蜂對一篇

招野龍對一篇

連珠

連珠二首

梁宣帝

嘗一作常聞盈虛之道雖脩平而必陂損益為用一作由在至

象而無蠲是以謂地之厚而東南缺惟天為大而西北懸
嘗一作常聞山有藏玉則草木常榮林有猛獸則藜枝莫採
是以漢儀重見皇王之跡有真周禮猶存龜蒙之田無改

同前二首

沈約

臣聞烈風雖震不斷蔓草之根朽壤誠微遂實崇山之峭
是以一夫不經一作佳威於赫怒千乘或一作必致忘於巧笑
臣聞鳴籟受響非有志於要風洎流長邁寧厝心於歸海
是以萬竅怒號不叩而咸應平川是納用卑而為宰

同前二首

吳均

蓋聞豔麗居身而以娥眉入妬貞華炤物而以絕等見猜
是以班姬辭寵非無妖冶之色楊子寂寞豈乏炫曜之才

蓋聞義夫投節未必識君烈士赴危豈一作非期要利是以
墨子縈帶不蒙肉食之謀申胥泣血非有執珪之位

為人作連珠二首

一作探物作
豔體連珠

劉孝儀

妾聞洛妃高髻不資於草澤玄妻長髮無藉於金鈿故雲
名由於自美蟬稱得於天然是以梁妻獨其妖豔衛姬專
其可憐

妾聞芳性染

一作深

情雖欲忘而不歇薰芬動慮事逾久而

更思是以津亭掩馥秣結秦婦之恨爵臺餘妬追生魏妾
之悲

以上一作皆藝文類聚

擬連珠四十四首

庾信

蓋聞經天緯地之才拔山超海之力戰陣勇於風飈謀謨

出乎宵臆斬長鯨之鱗截飛虎之翼是以一怒而諸侯懼安居而天下息

蓋聞蕭曹替務雄畧所資魯衛前驅威風所假是以黃池之會可以爭長諸侯鴻溝之盟可以中分天下

蓋聞解封豕之結塞長蛇之源必須製裳千里哺血轅門是以開百里之圍用陳平之一策盟千乘之國須季路之

一言

蓋聞得賢斯在不籍揮鋒股肱良哉無論應變是以屈倪

左傳作屈完疑避諱而改參乘諸侯解方城之圍干木爲臣天下無西

河之戰

蓋聞邯鄲已危徒思馬服薊城去矣空用荆軻是以竹杖

扶危不能正式擔之石蘆灰縮水不能救宣房之河

蓋聞穴蟻衝泉未知遠慮玄禽巢幕何能支久是以大厦

旣焚不可灑之以淚長河一決不可障之以手

蓋聞膏肓喋喋市井營營或以如簧自進或以徂詐相傾

是以子貢使乎五都交亂張儀見用六國縱橫

蓋聞謀猷是習權變須長時增齊竈或卧燕墻是以井陘

之兵如鴻毛之遇火長平之卒若秋草之中霜

蓋聞彼黍離離大夫有喪亂之感麥秀漸漸君子有去國

之悲是以建章低昂不得猶瞻灞岸德陽淪沒非復能臨

偃師

蓋聞市朝遷賁山川悠遠是以狐兔所處由來建始之宮

荆棘參天昔日長洲之苑

蓋聞天方薦瘥喪亂弘多空思說劍徒聞枕一作戈是以劉琨之英畧莫知自免祖逖之慷慨裁能渡河

蓋聞穀林長遠蒼梧不從唯桐惟葛無樹無封是以隋珠日月無益驪山之火雀臺絃管空望西陵之松

蓋聞雷驚獸駭電激風驅陵歷開塞枕跨江湖是以城形月偃陣氣雲鋪非綠林之散卒即驪山之叛徒

蓋聞死別長城生離函谷遼東寡婦之悲代郡孀妻之哭是以流慟所感還崩杞梁之城灑淚所沾終變湘陵之竹蓋聞三世用兵既非貽厥陰謀累葉必以凶終是以李都尉之風霜上蘭山而箭盡陸平原之意氣登河橋而路窮

蓋聞營魂不反燐火宵飛時遭獵夜之兵或斃空亭之鬼是以射聲營之風雨時有冤竟廣莫郡之陰寒偏多夜哭蓋聞江黃戎馬之徼鄢郢風飈之格乍有去而不歸或無期而遠客是以章華之下必有思子之臺雲夢之傍應多望夫之石

蓋聞無怨生離恩情中絕空思出水之蓮無復迴風之雪是以樓中對酒而綠珠前去疑帳裏悲歌而虞姬永別蓋聞樹彼司牧既懸百姓之命及乎厭世復傾天下之心是以一馬之奔無一毛而不動一舟之覆無一物而不沉蓋聞嚴霜之零無所不肅長林之斃無所不摠是以楚斬既填遊魚無託吳宮已火歸燕何巢

蓋聞名高八俊傷於閹豎之黨智周三傑斃於婦女之計
是以洪澤之蛟遂挫長饑之虎平臯之蟻能摧失水之龍
蓋聞吳艘蜀艇不能無水而浮以紅間綠此句不能無弦疑
而射是以籠樊之鶴寧有六翮之期翫麟一作航上之馬無復
千金之價

蓋聞性靈屈折鬱抑不揚乍感無情或傷非類是以嗟怨
之水持結憤泉感哀之雲偏含愁氣

蓋聞遷移白羽流徙房陵離家折里悽恨撫膺是以吳起
之去西河潸然出涕荆軻之別燕市悲不自勝

蓋聞廉將軍之客館翟廷尉之高門盈虛倏忽貴賤何論
是以平生故人灌夫不去門下賓客任安獨存

蓋聞執珪事楚博士留秦晉陽思歸之客臨淄羈旅之臣
是以親友會同不妨懷撫悽愴山河離異不妨風月關人
蓋聞五十之年壯情久歇愛能傷人故其哀矣是以譬之
交讓實半死而言生如彼梧桐雖殘生而猶死

蓋聞秋之為氣惆悵自憐耿恭之悲踈勒班超之念酒泉
是以韓非客秦避讒無路信陵在趙思歸有年

蓋聞懸鶉百結知命不憂十日一炊無特何耻是以素王
之業乃東門之貧民孤竹之君實西山之餓士

蓋聞胷中無學猶手中無錢今之學也未見能賢是以扶
風之高鳳無故棄麥中牟之甯越徒勞不眠

蓋聞十室之邑忠信在焉五步之內芬芳可錄是以日南

枯蚌猶含明月之珠龍門死樹尚抱咸池之曲

蓋聞百尺之高累於九碁之上千鈞之重懸於一木之枝
是以截虎尾而非險傷龍鱗而未危

蓋聞居蘭處鮑在其所習白羽素絲隨其所染是以金性
雖質處劍即凶水德雖平經風即險

蓋聞豫章七年斃於豐草芳蘭九畹淪於幽谷是以欲求
其真晉陽有自埋之蒿若賞其聲吳亭有已枯之竹

蓋聞明鏡蒸食未為得所干將補履尤可傷嗟是以氣足
陵雲不應止為一作官武騎才堪王佐不應直放長沙

蓋聞勢之所歸威之所假必能繫風捕影暴虎馮河是以
輕則鴻毛沉水重則磐石陵波

蓋聞意氣難干非資扛鼎風神自勇無待翹關是以曹劇
登壇汶陽之田遽反相如睨柱連城之壁更還

蓋聞卷施一作施不死誰必有心其蕉自長故知無節是以
螺蚌得路恐異驪淵雀鼠同歸應非丹穴

蓋聞北邙之高魏君不能削穀洛之鬪周王不能改是以
愚公何德遂荷鍾而移山精衛何禽欲銜石一作枝而塞海

蓋聞君子無其道則不能有其財忘其貧則不能耻其食
是以顏回瓢飲賢慶封之玉杯子思銀珮美虞公之垂棘

蓋聞水之激也實濁其源木之蠹也將拔其根是以延年
之家預論掃墓羊舌之族先知滅門

蓋聞磨礪唇吻脂膏齒牙陵風扇毒向影吹沙是以敬而

遠之豺有五子吁可畏也鬼有一車

蓋聞虛舟不忤令德無虞忠信為琴瑟仁義為庖厨是以從莊生則萬物自細歸老氏則衆有皆無

蓋聞三關頓足長城垂翅既羈既旅非才非智是以烏江蟻機知無路可歸白鴈抱書定無家可寄

為人作連珠二首

蘇頌

夫情有理會不可以理遣行有義得不可以義憊定其情者則理無滯寶其行者則義有全故韓馮之妻死哀吟於松上石崇之妓生効命於樓前

夫恩至深而必報言至信而罔遺繫於我者深不可奪牽於彼者信不可欺故操力而割豈為他人所污書扇而殞

竟還夫氏之尸

喻對

喻古之治

廬頌

軒昊之代君為心兆民為百骸堯舜之代君為目兆民為物三代之時君為醫兆民為疾五伯之治君為工兆民為材二漢之時君為隄兆民為水夫心治則百骸從視明則衆物露醫善診則疾不彌漸工善度則木無棄材故委心乃無為軒昊之治自治也

求治也不言而人化醫不全則生死危三代之治存乎仁各

所尚工不審則曲直乖五伯之治資於智選賢能迨斯已隆

民為水矣政為隄矣漢武好攻討隄之不完水漂邑矣哀平

後寢乎曹馬乃成壞衰焉干紀亂常噉民不可使為水水皆其臣佐而隄之困矣然則軒昊誠堯舜朋三代仁五伯智二漢法禁人之叛也禁之以致君為敵兆民有寇讐焉

冶家子言

陸龜蒙

武王既伐蜀本殷懸紂首有泣於白旗之下者有司責之

其人曰吾冶家孫也數十年間載易其鎔範矣今又將易

之不知其所業故泣吾祖始鑄田器歲東作必大售殷賦

重秉耒耜者一發不敢起吾父易之為工器屬宮室臺榭

侈其售益倍民凋力窮土木中輟吾易之為兵器會諸侯

伐殷師蜀本旅戰陣興其售口又倍前也今周用鉞斬獨夫

四海將奉文理吾之業必墮吾亡無日矣武王聞之懼於

是苞干戈勸農事冶家子復祖之舊

奔蜂對

前人

晉悼公見奔蜂屬土于墉負桑蟲而寘之若有言者不勝

其疑也即召師曠以詰其事曠對曰奔蜂無子負蟲而祝

之祝之不怠故其形隨之而化也公駭其說曠因從而理

之曰伊蜂也欲蟲肖已之速是故祝之誠夫誠之感物雖

千品萬形之殊未有不從而應之者也誠之不達感之不

應雖體質外均而其心化為他類矣臣願以人事明之在

昔堯欲天下之治祝舜以禪之舜恐天下未治祝禹以傳

之傳之誠故三姓之天下化為一家之治也是則堯舜非

不能化其子蓋將傳其祝於至公也是臣又敢以晉國事

直啓王心冀王之速悟日者曲沃桓叔恤民務德有國之人被其祝無幾而化之雖晨風鬱林魚龍趨潭不是過也逮乎獻公納士薦之讒逐羣公子伐麗戎而嬖其女使太子將東山之師龍涼玦離顯以義絕讒言卒行見新城之酷二公子繼踵而奔亡當是時懼獻公之毒不啻狼虎之磨牙也此則父化爲虎狼矣旣而使兵伐蒲又加兵於屈視其子之居不啻寇戎之所聚也此則子化爲寇戎矣文公在外十九年賢士五人爲之輔公蚤夜而祝之故異體化爲一身也及夫齊桓妻以宗女一作支楚成待以諸侯送之於秦卒以得立此則化於他國不能化於父子聞諸獻公未嘗誠而祝之也是知善祝而他類化者奔蜂也不祝而已子離者獻公也君子謂公之智不如蜂蜂猶能蕃其類今君先有晉國宜乎上保宗廟之基下近疑作延百代之資擇其可化而化之無俾奔蜂逞術於君王悼公曰小問而大獲孤之幸也孤其念焉乃立其處爲太子而使田蘇爲傳

招野龍對

陸龜蒙

昔豢龍氏求龍之嗜慾幸而中焉得二龍而飲食之龍之於人固異類以其若已之性也席其宮沼百川四溟之不足游其其飲食洪流大鯨之不足味施施然擾擾然二字作擾蜀本其愛弗去一旦值野龍奮然而招之曰爾奚爲者萍洋乎天地之間寒而蟄暘而升能無勞乎誠能從吾君而

晏安乎野龍矯首而笑之曰若何齷齪乎之如是耶賦吾
之形冠角而被鱗賦吾之德泉潛而天飛賦吾之靈嘘雲
而乘風賦吾之職仰驕而澤枯觀乎無極之外息乎大荒
之墟窮端睨而盡變化其樂不至耶今爾苟容於蹄涔之
間惟泥沙之是拘惟蛭蟻之與徒牽乎嗜好以希飲食之
問是同吾之形異吾之樂者也狎其一作於人啗其利者扼
其喉截其肉可以立待吾方哀而援之一作哀以手
又何誘吾納之陷穽耶而不免矣野龍行未幾果為夏后
氏之醢

校正二十有八字

四月十二日

文苑英華卷第七百七十一

文苑英華卷第七百七十二

帝德上



頌一



南郊頌一首

玄圃園講頌一首

隋高祖功德頌一首

拜南郊頌一首

南郊頌

并序

梁簡文帝

臣聞惟天為大聖人敬其德知幾其神聖人契其道故龍
官弱言之后合揆於蒼昊鳥紀垂衣之君昭格於上帝莫
不巍巍乎穆穆乎渙汗於綠篇氛氲於丹冊者矣我梁皇
帝之御天下也乘燦祗之盛曜即璧日一作月之遐照等乾
覆之燾養合坤載之靈長四三六五之意一作四三皇十
堯九舜之明名與功借業將時並自撥亂反正伐罪吊民

馮玉几握金鏡君臨萬國於今二十有二載也緯天維理地軸移澆風於末俗反淳正於區中化不言而先一作顯

教不嚴而已肅流樂復雅遠符雲韶之世墜禮還章非因

忠信之薄九垓同軌四海無波儲明變照儀天作兩三衣

咸作叶化台光麴葉王風塩梅帝載塵清世晏蒼兕無藝文

類聚有用其武功運謚時平類聚作雍鸛鷺咸類聚有脩其文

德桃林散甲華山優擬作刃玉門罷候紫塞沉鋒屠羊釣

壑之士厭洗耳而襲簪佩版築藏巖之逸去燦穀而紆珩

組異人俊乂既間出而在官世鏡河仙亦雍容而廊廟蹇

蹇同於多士諤諤比乎得人五典三墨既歲糝於壁水九

流八索亦續紛於石渠畫一之政萬代表於時和三章之

律百姓沐於仁壽於是龍光之地日浴之鄉紫舌黃支頭

飛鼻飲自西自南無思不服欵關質子稱臣內向珠樹素

禽越火枝之地銀甕叩杖踰沉羽之浹出赤野而連翩度

玄妙之泱漭於是類聚嘉祥被衆瑞登金人澤馬丹甌玉

鷄三角九尾四眉類聚六足抽鋪地之九莖發端門之連

理參差於郊藪布濩於宮闕類聚府無虛月史弗能記周

稱黃鳥之旗夏有玄珪之錫無以踰此嘉祥方茲惣萃道

洽世昌國殷民阜鄉知舜讓邑比堯封委粟西畝神絲被

澤可謂我化若風民應如草我靜如鏡物動猶煙天子猶

未明求衣日昃不勑撤膳匪躬詢輿訪道鑿旗徐動棄千

里而弗乘寶瑟無虞捐百金而不服廣行四等被慈雨於

...

枯根大闡三朝

一作明

驚法雷於羣靈曲成萬物去殺愛生

幽弊之民與蒼雷而共悅否滯之義同谷風而開杼昆蟲

得性跂蠢欣生三驅有緩前之禽九門無饑獸之藥至德

之事如此太平之風如彼乃以恭肅神祇理通孝敬江左

以來爽塏未闢爰命將作揆日載營三靈叶響百工咸事

宛如神造儼類仙居冲秘隱嶙跨千畝於晉日閑曠麗遠

吞七里於漢年五達四通廓郊彌野南瞻重嶽北眺芒嶺

東臨灞澹西均舊豐紆餘委蛇丘陵起伏澎湃崑崙山川

異態飛梁邃宇洞燭

類聚作燭

穴

類聚作空

懸紫殿仙宮霞騫

類聚作蹇

鳥翥霧狀倒梁日光踈飯玉桃卷葉銀樹抽芳百果千株

三珠八柱朝葉與蜜露共鮮晚花與薰風俱落露禽乍聚

望比翼之翱翔歸飛時宿聞同心之夜響故以熊熊灼灼

炫兩明而仰七曜紛紛沐沐承五煙而帶三靈圓丘閑靜

紫壇肅設五精之場千神之位八階弘麗四維博敞宛若

千仞狀懸流之仙館煥如五彩同瑤山之帝壇石牒神昌

之瑞方臻金縷飛光之徵未固是雕是琢鄙茅茨之為倫

非珠非玉嗤甘泉之已奢望昔方今獨高千古沿襲異等

質文斯中於是歲在單閼星次訾陬律中太簇日惟辛卯

特有事於南郊甸師清野封人壝宮朱幕夕時帷宮宿設

曉漢斜陰挈壺升漏天子御玉輅動金根八驥揚衡雙龍

翼蓋雲罕徐廻鳴鏡韻響風承豹尾日映鷓冠萬騎天行

千乘雷動石鎧犀衣之士連七萃而雲屯珠旗日羽之兵

巨五營而星列鬱鬱阡阡震震填填充溢乎國都彌漫於
鄗邑者也若乃廻輿降蹕薦禮帝儀揖太清秩羣望被太
裘服山冕恭蒼壁之明祀穆靈壇之禋敬黍稷非馨明德
惟馨日曜彤精天澄翠色百僚師師九官濟濟千神叶福
萬億均慶六典斯備三禮必該焚柴告成罔不欽若翠煙
升綠疑同河濱之瑞雲丹燎燭天若帝鄉之美氣雲門麗
舞咸池廣樂已叶九韶之曲復諧六列之奏金匏旣動望
蜿蟬之遊龍玉磬徐鳴觀參差之舞鳳桂挂鞞駕肩士女填
噎接袂爲幃連裾猶堵鼓腹擊鞀行歌舞拊然後紆玉輦
而謝書生登靈臺而望雲一作物欽明美化跨萬古於茲
日廣運愉樂表千載於當今方當巡云云之禮啓亭亭之
業封天答睞禮地徵靈南山之壽無極七百之基長固豈
不懋哉豈不盛哉菲薄微臣謬與藩服馳心休禮秣馬之
願無由徒罄榻辭清風之藻多愧敢敷庸理獻頌十章其
辭曰

元始道一渾德氛氲遙哉遂古曼矣初分磅礴地載清明
天文大人覩物生民樹君蛇驅龍準作樂垂衣皇圖炤灼
帝篆歲秣廓寥中代合聖與誰於鑠我后命世天飛玄默
馭辯寂照秉真就雲握歷望日臨民謙光履德義禮稱琮
車書同軌天下歸仁期章孔備盛化弘道酌衢敬賓欽賢
愛老變正疑是琮燭車非寶如海之深如日之杲肅恭明
神逖聽前踵配天道尊迎陽義重玄酒陶匏燔柴雲聳跨

初學記
作脫

舞論韶龍堯稱拱赫矣郊宮載惟靜謚初學記作郊宮
肅禁圍陰陰仙室六戎列野八鸞照日架殿星羅重宮霧
出蒲萄金橘靈壽木難表禁開暑貞檜陵寒山池壯麗階
閣彤丹葉垂疊雨花落重巒康哉盛德美矣世初學記
三辰炳燿七政未隆初學記五方來洎四隩茲通懸繩度
竿駕鹿追風既隆初學記懋化復覩瑞滋金車出野玉露
霑墀紫粲神草華平瑞芝長愉汪濊末固雍熙照天漏洩
遠肅邇睦惠靡齊民恩彌比屋式光惇史踰斯郁郁皇哉
康哉同斯景福

玄圃園講頌并序

同前

竊以寶山峻極駘足未窺惠海遙波輕舟誰泛故以探沙

亂一作詩妙類杵迷形百代同昏千年誰啓皇上託應金輪

均符玉鏡俯矜若習續照慈燈鶴禁還春龍泉更曉玄水

躍祥丹陵寫電功韜火宅德覆昏衢智惠之光猶初日照

忍辱之力如明月珠天成地平遐肅邇穆澤涌無底化行

靡外滄河鏡淥碧海調氛停瑞氣於三辰汎祥煙於五節

鱗羽被解摧之澤黎元沐至仁之道正化潛通法輪常轉

類空鏡之傳虛猶懸河之馮澗儲君德彰妙象體眷春瓊

視膳閑辰遨遊心法擗管摘章既便娟錦綉清談論辯亦

參差玉照夏啓愧德周誦慙風乃於玄圃園栖聚德心一作

懋之英並命陳徐之士樞談末日講道終朝賓從無聲芳

香動氣七辯懸流雙因一作林俱格情遊彼岸理愜祗園靈

玄圃園講頌 卷之七 同前

塔將涌天花乍落于時藏烁仲節麗景妍辰氣冷藝文類聚作含

金扉霜浮玉宇聖慈冲邃獨幸勝地朱堂玉砌碧水銀沙

鳥弄翅類聚作鵝於瓊音樹歲類聚作歲於妙葉液水穿流蓬山

寫狀風生月殿日照槐煙網叨籍殊寵陪奉末塵預入寶

樓竊窺妙簡鳧藻喜怵獨營心靈敢作頌云

皇儀就日帝道昌雲化隆垂拱德蔓鴻芬機乘八解道照

三墳巍巍蕩蕩萬代一君重離照景玉潤舒華七淨標美

三善稱嘉降茲法雨普洽生牙連漪義水照曜文花芳園

鬢隸天宮類寶折論冥空玄機入道密宇浮清類聚作清幽重

關一作擔相藻日映金根類聚作雲風搖銀一作瑞草肩隨接武握

寶靈珠皆抽四照並按九衢顧惟多缺徒奉瑛瑜終如燕

石更似齊等

隋高祖功德頌并序

禕道衡

太始太素荒茫造化之初天皇地皇杳冥書契之外其道

絕其跡遠言說一作談所不詣耳目所不追或作逮至於入穴

登巢鶉居鶯飲寧一作不殊於羽族取類於毛羣亦何貴於

人靈亦何用其心識羲軒以降爰暨唐虞則乾象而施法

度觀人文而化天下然帝王之任一作位可重聖哲之道為

尊夏后殷周之國禹湯文武之主功濟生人一作民聲流雅

頌然陵替於三五懃德於干戈秦君閏位用刑名為政本

漢執靈圖雜霸道而為法當塗興而三分峙典午末而四

海亂九州封域窟穴鯨鯢之羣五都遺黎蹴踏戎馬之足

雖玄行定高洛木運據殺函未止滄海之流詎息岷山之
燎叶千齡之旦暮當萬乘一作葉之一朝者其在大隋乎粵

若高祖文皇帝誕聖降靈則赤光照室韜神晦迹則紫氣

騰天龍顏日角之奇玉理珠衡之異著在圖錄彰乎儀表

而帝系靈長神基崇峻類邠岐之累德異豐沛之勃起俯

膺歷試納揆賓門位長六卿望高百辟猶重華之爲太尉

若文命之任司空蒼歷將盡率土糜沸玉弩驚天金芒照

地一作野姦雄結一作挺禍據河洛一作朔而連海岱猾長縱惡

杜白馬而塞成臯庸蜀逆命憑銅梁之險鄖黃背誕引金

陵之寇三川已震九鼎將飛高祖龍躍鳳翔濡足援手應

赤伏之符授玄弧之錄命百戰一作夏百勝之將動九天九

地之師平共工而殄蚩尤剪楔厥而戮鑿齒不煩二十八

將無假五十一征魯不一作未踰時妖逆咸盡一作殄廓氛霧

於區宇出黎元於塗炭天柱傾而還正地維絕而更紐殊

方稽顙識牛馬之內向樂師伏地懼鍾石之變聲萬姓所

以樂推三靈於是改卜壇場已備猶弘五讓之心億兆難

違方從四海之請光臨寶祚展禮郊丘舞六代而降天神

陳四珪而饗上帝乾坤交泰品物咸亨酌前王之令典改

號一作微號易稱一作微號因庶萌之子來移創都邑天文上當朱鳥地

理下據黑龍正位辨方揆景於星日一作日月內官外座取法

於辰象懸政教於魏闕朝羣后於明堂除舊布新移風易

俗天街之表地脉之餘一作外蘧獫孔熾其來自久橫行十

文苑英華卷一百一十五

萬樊噲於是失辭提步五千李陵所以陷沒周齊兩盛競
結旄頭聘國一作后於漠北未足息其侵擾傾珍藏於山

東不能止其貪暴炎靈啓祚聖皇馭寓運天策於帷宸播
神威於沙朔柳塞一作室一作蘊裘之長皆為臣僕一作滄一作瀚

海蹠林之地盡克池苑三吳百越九江五湖地分南北天
隔內外談黃旗紫蓋之氣恃龍蟠獸據之險恒有僭偽之

君妄竊帝王之號時經五代年移三百爰降皇情永懷大
道愍彼黎獻獨為匪人今上利建在唐則哲居代地馮宸

極天縱神武受服出車一舉平定於是八荒無外父服大
同四海為家萬里為宅乃休牛散馬偃武脩文自華夏亂

離綿積年代人生一作造一作戰爭之日一作具一作家習澆偽之風聖
人之遺訓莫存先王之舊典咸墜爰命秩宗刊定五禮申

勅太常一作太子一作後漢樂名改正六樂玉帛樽俎之儀節文乃備金
石匏革之奏雅俗始分而留心正術垂神或作拱非聽覽早朝

晏罷廢寢忘食憂百姓之未安懼一物之失所行先王之
道夜思待旦革百王之弊朝不及夕見一善事喜彰於容

止聞一愆犯歎深於在予薄賦輕徭務農重穀倉廩有紅
腐之積黎萌無阻饑之慮天性和恕一作弘慈仁慈惻隱恩加

禽獸胎卵於是獲全仁霑草木牛羊所以勿踐至於憲章
重典刑名大辟伸法而屈情決斷於俄頃故能彝倫攸序

上下各一作齊一作肅左右絕諂諛之路縉紳無勢力之門小心
翼翼敬事於天地終日乾乾誠慎於無一作元是極陶黎民於

聖心

文苑英華卷一百一十五

四

德化致風俗於太康公卿庶尹遐邇岳牧僉以天平地成
 千載之嘉會登封降禪百王之盛典宜其金泥玉檢展禮
 介丘飛聲騰實常為稱首天子為而不恃成而不居冲旨
 凝邈固辭弗許而雖休勿休上德不德更乃潔誠岱岳遜
 謝憊咎方知六十四卦謙撝之道為尊七十二君告成之
 義為小巍巍蕩蕩無得以稱焉而深誠至德咸達於穹壤
 和氣薰風充溢於寓縣一作宇宙二儀降福百靈薦祉日月星
 象風雲草樹之祥山川玉石鱗介羽毛之瑞歲見月彰不
 可勝紀至於振古所未有圖籍所不載莫不見所未見聞
 所未聞二句一作目所不見耳所未聞古語稱聖人作萬物覩神靈滋百
 寶用此其効矣既而遊心姑射脫屣之志已深鑄鼎荆山
 昇天之駕遂遠凡在黎獻具惟帝臣慕深考妣哀纏弓劍

塗山幽峻無復玉帛之禮長陵寂寞空見衣冠之遊若乃
 降精燁怒飛名帝錄開運握圖創業垂統聖德也撥亂反

正隆一作齊國寧人六合八紘同文共軌神功也玄酒陶匏

雲和孤竹禋祀上帝尊極配天大孝也偃旆戢戈正禮裁
 樂納人一作民壽域驅俗淳朴一作福林至政也張四維而臨萬

寓侔三皇而並五帝豈只一作直錙銖周漢么麼魏晉而已
 雖五行之舞載一作每陳於清廟九歌之德無紀一作絕於雅

樂一作樂府而玄功暢洽不局於形器懿業遠大豈盡於揄揚
 臣生輕多幸命偶興運趨事紫極一作宸驅馳丹陛一辭天

闕奄隔鼎湖空有攀龍之心徒懷羣蟻之意庶馮毫翰敢

希贊述昔堙海之禽不增於大地泣河之士非益於洪流
盡其心之所存忘其力之所及輒緣斯義不覺斐然乃作
頌曰

悠哉邃古邈矣季世四海九州萬王千帝三代之後其風

逾替爰逮金行不勝其弊戎狄猾夏羣凶縱慝竊號淫名

十有餘國怙威逞暴悖禮亂德五岳塵飛三象霧塞玄精

啓曆發跡幽方并吞寇僞獨擅雄疆享一作戴祀二百比祚

一作前王江湖尚阻區域未康勾吳閩越河朔渭涇九縣

瓜分三方鼎峙一作時徂詐不息干戈競起東夏雖平亂離

漠矣五運叶期千齡一作年肇旦赫矣高祖人靈攸贊聖德

挺生神謀獨斷瘳惡彰善夷兇靜難宗伯揆一作撰儀太史

練日孤竹之管雲和之瑟展禮上玄飛禋太一珪璧朝會

山川望秩占揆星影移建邦畿下馮赤壤上叶紫微布政

衢室懸法象魏帝宅天府固本崇基一作威勾河瀚海龍荒

狼望種落陸梁時犯亭障皇威遠懾帝德遐暢稽顙歸誠

稱臣內向勾一作吳越提封斗牛星象積有年代自相一作稱

君長大風未繳長鯨漏網授鉞天人豁然清蕩戴日戴斗

太平太蒙禮教周備一作被車書一作軌大同復禹之迹成舜

之功禮以安上樂以移風憂勞庶績矜育黔首三匝解羅

萬方引咎納民軌物僉登仁壽聖化隆隆一作平生人一作靈

熙阜虔心恭已奉天事地協氣橫流休風一作微紹至壇場

均幸雲亭虛位推而不居聖道彌粹齊迹姬文登發嗣聖

文苑英華

道類漢光傳莊寶命知來藏往玄覽幽鏡鼎業靈長洪基

隆末一作盛崆峒問道汾射一作祀宵然御辨遐遊一作逝垂雲

上仙哀纏率土痛感穹玄流澤萬業用教百年尚想睿圖

永維聖則道洽幽明仁霑動植爻畫一作象不陳乾坤將息

微臣作頌用申罔極一作皆隋書本傳

拜南郊頌并序王勃

微臣上稽龍繇下閱龜謀觀天地之至道考皇上之大節

武宣七德未嘗踰息亂之鄉文招九功未嘗出昇平之域

並能懸日月而高視駕雷雨而先鳴或皮幣而踐大階或

干戈而躡乾步至於理定創禮功成作樂振長策以叙諸

侯設靈機而制羣動猶虞階已泰不能息洞庭之誅夏載

克寧不能罷會稽之戮故將體剛柔而立本法震懼而崇

威一戎而寓縣平四罪而華夷服然後皇旗大輅詔殊號

於圓丘電轉雲迴奏玄符於孝理天下黎人知四海之安

樂寰中殊域奉三靈之康泰德兼祥風灑道與和氣游不

言而大寶用貞無事而元功有立捨彼代也其誰與哉若

夫應運而生繼天而作鼓動千載之下超騰百王之上遂

能發軒庭之景曜躡隋運之頽風揖讓而取文明指麾而

清幽幽夏則我皇唐得之矣高祖以黃旗錫瑞靜雲火之橫

氛太宗以赤羽登期補星辰之絕縷授瑤圖於斯邑付璿

曆於鈞臺人更三聖道昭千古於是俛臨睿極趨四荒於

鳳闕之前端委廟堂調萬國於龍軒之下八鸞徐動頓湯

鳳闕之前端委廟堂調萬國於龍軒之下八鸞徐動頓湯

文於後塵九駿長驅佇堯舜於中路邦家之具得矣易簡
之業存矣猶有朱蒙戾俗違光蓬艾之間青徼遺昨假氣
陶鈞之內背熊山而構虺擁狼潭而稽誅竊瀛海之風波
弄乾坤之綱紀漢圖西返惟收五郡之名魏律東窮未出
三韓之險姦謀蓄於有漸逆節成於不悔長蚊蚋之雷霆
附豺狼之羽翼豈知夫至人無外撫天下以爲家真數有
歸吊羣方而罪已三門遁甲黃公成不戰之師五壘神兵
玄女下先登之策肅牙璋而按律輝旄節而分麾降南宮
之元老裂西營之毅卒良將首路偏戎竟野軸轡萬里旌
旗四合金緉玉匱司空憑首勝之威鸚視龍趨將軍仗萬
全之畧負鼇立而峻壁據鼇壑而深溝一鼓而亭塞無塵
七縱而江山失險伐罪以明而不以衆懷遠人於絕境均
惠化於殊隣登若木以照臨折紅桃以延佇然後分州列
鎮對明月以收營返旆旋戈部玄雲而振旅望神都而獻
捷仰靈社以書功辛亥謁於昭陵癸丑告于太廟時乘黑
帝月旅玄栲大唐有國之五十一年皇帝有天下之一十
九載也元惡旣殄萬宇清矣元勳旣輯萬寶成矣以爲周
郊上帝裁延肅慎之賓漢禮甘泉未拯朝鮮之亂想玄功
而反側奉先旨以遲迴思答上靈之心以洽庶黎之望爰
考吉日遂靜行宮有司具典乘輿乃出撫玄蚪戴翠鳳翥
鼓按節鯨鍾疏響千乘嶽動萬騎林迴星陳而天行雷震
而霧合是時未登夫太壇也廼齋帷宮宿帳殿華蓋移影

鈞陳從躔千營夕布亘蒼野而煙凝萬幕霄懸背黃闐而
霧列旣而屏翳清曉飛廉警旦孫叔奉轡王良聳策雲藏
星謐宇曠山明旌軒具照簫笳互凝陟名嶽以告成歷神
立而展事國容象物而動朝章視令而肅宸儀有晬虛徐
大帝之庭列侍無譁髣髴華胥之國於是襲衮服戒俎豆
端瑞珽儼華旒樂懸六代禮備三古奠惟蒼壁藉用白茅
鳴孤竹之簫管奏空桑之琴瑟感格以誠不以事動植咸
躡敬神以道不以華天人合應然後駐聲名於上邑反文
物於仙宮因雷雨而作施法雲天而用響風行電舉未寸
景而浹九埏野抃途歌不崇朝而晏六合我之玄極建矣
我之能事畢矣趨帝寰而振足越皇衢以驤首不其然乎

雖睿化無方比神圖而絕唱而小臣不佞撫洪筆而當仁
敢作頌曰

遼河巨浸碣石危峯城分玄菟塞接黃龍憑遐作梗恃險
忘恭人殘鬼哭主閭臣凶有晉不綱戎麾內逐帝隋失御
皇輿外驚九縣塵征三靈霧黯長茲下慢逋我天戮五材
無隕千齡有聖武創元基文清寶命波恬四海明宣七政
息衆以寧綏荒一作緩死以令飛龍繼跡鳴鳳重光遂均夷夏
迭用柔剛戈船泛月劍騎橫霜風驅海石電掃辰陽帝師
無戰神兵有伐丞相陪麾司空仗鉞危雲旦起長星夜發
萬壘爭屠千城自蹙功超薄伐義極兼該殊方底定善陣
徐迴歸俘獻捷課績分材建侯清廟偃伯靈臺考事龜謨

凝清鳳袞仰觀俯察享神作祀道則推天功非在已豐隆
旦出招搖夕指神壇法嶽立齋館雲深鑿旗曉引葆吹晨吟
山明野澈日降天臨鏘鏘盛服肅肅珪簪俎豆畢陳笙鏞
間撫玉觴分獻金罍暢矩青帝鳴琴朱靈會舞上和下悅
神歆神聚收驩巨野反旆靈躔思周宇宙樂極寰垓德因
時立頌以詞宣帝之功也臣何飾焉

校正九十二字

四月十三日

文苑英華卷第七百七十二

文苑英華卷第七百七十三

頌二

帝德中

開元紀功德頌一首

龍池聖德頌一首

大唐封禪一作祀壇頌一首

華山述聖頌一首

開元紀功德頌并序

張九齡

臣聞蠻夷猾夏唐虞已然天之所生類不可絕嘗有拓境
者矣而固也為患或有欵塞者矣而必也無親是以古之
哲王審其若此則限以荒服斷非純臣不貢不王武功居
後不庭不率文德是先三代所以直道百蠻所以向化逮
乎春秋之衰諸侯以力征伐自出戎心大啓謀夏亂華干
盟偪好王綱弛而若綴天道厭而將革則有疆能攘劫暴

息交侵雖雜霸之無成亦反經之所取其負力者乃塹山
堙谷盡境而築長城其黷武者則輓粟飛芻窮兵以耗中
谷又失於下策而悔在末年彼王畧之不恢殆千餘載矣

夫有其虞而無豫思其患而不圖所謂能國將安貴聖物

豈終否道非固窮鑒之者昊天救之者英主玄命陰隲付

畀集作神武我太宗一戎衣而大定我皇帝再受命而太

平不是古而務文不非今而忘戰以時變而消息與天元

川粹集本而合符日月之所照臨陰陽之所陶冶凡有在

地莫不稟朔而東夏郡縣北隙山戎先是四十年侵軼數

百里自炫氣奪數以病告既威攘之不驚且力制之不可

或朝或否為虺為蛇幽鄣未遑以滅烽邊域安得而弛柝

曠日持久兵連禍結一作率由事邊是無寧歲二十二春

乃命右羽林衛大將軍兼御史中丞幽州長史張守珪將

中軍都督諸鎮雄名先路夷裔生風載馳信臣繼發精卒

戒嚴有赫張皇若神公卿大夫未始測也將校部曲亦莫

知也皇帝方淵集作泉又靖以慮之乾剛以斷之初決策

於九重已收功於萬里矣二十二年冬十有二月中貴將

命元戎受律三軍疾雷於不時二庭喪膽於非意欲遁則

衆潰不保欲拒則兵鋒莫當因而一作命偽降幸且川粹紆

禍遽圖反覆將肆鴟張觀釁先入集本川粹豈伊負我以間

謀而情得乘猜攜而計從或竒兵以嘗或厚利以啗無何

變作果自族誅克元惡首鬼得集作神誘假天威而無前

覆鳥巢而何有於是諸部大駭率種二本復歸責以不義

之尤捨其不臣之罪既服即序有威且懷載籍以來固未

之見也昔我睿祖取句驪於拾遺今茲聖謀易林胡於反

掌獻功有績一作績後嗣無忘一作息百王所廢之勳四夷未

賓之俗自我底定巍乎發二本皇其若此也於是彼節使

與羣帥因東師之凱於離而族談合而公議以為主上憫

一隅之苦垂不伐之畧以計易戰以兵去兵神斷自天虜

平不日且軍未血刃敵免膏原密承無方之謀坐致不陣

之捷有征無戰真王者之師歟而不彰美於吾君得無臣

子之罪不表聖於帝載曷稱文武之時乃率其屬至於固

請帝三讓德而曰俞哉夫曲成萬類者天為而不有下濟

兆庶者聖成而不居物無謝生於天雖云至道人無歸美

集作功於聖何以最靈雖無已無名所宜絕於言象而惟忠

與義固不廢於頌述大雅曰集作云徐方既同天子之功又

曰明明天子令問不已其此之謂也臣拜手稽首集作拜頓首

敢獻頌曰

赫赫天威兮被遐荒蠢茲山戎兮不來享集作王命南仲兮

整六師出幽陵兮轄九夷鯨赤山兮蕩滄海弔無告兮伐

有罪徒不動集作勤兮車不殆虜震驚兮兵氣倍昔負固兮

今安在鬼自殲兮裔既平謀既售集作集今聖自明我不戰

兮獻戎捷俾厥後兮揚天聲

聖自明集作聖日月

聖自明集作聖日月

聖自明集作聖日月

龍池聖德頌并序

前人

臣聞昔者玄德升聞皇天眷命元聖有作上帝何言必見

意於休徵不文粹無忘象於幽贊惟茲降鑒若曰專精道

周萬物者其魄神集作尤功濟生人者其祥大粵若古始肇

有君臣巢燧之前寂寥集作無紀書契而文粹後炳煥可

觀若乃鬼神睢盱品彙紛錯性命未正吉凶不定而太昊

氏將通其德則河為之出圖人食未粒鳥獸是茹時不耕

稼噐無耒耜而神農氏將教其本則天為之雨粟蚩尤不

道炎帝不制銅鐵鑄兵豺狼橫厲而軒轅氏將禁其暴則

天為之降玄女洪水方割下民昏墊堯德莫能弭厥災舜

功不能除其害而夏后氏將底其績則洛為之出書因茲

以還文粹殆文粹三千歲矣其間木火更王雲物告符有

若狼銜鉤魚躍舟素靈哭文粹黃星見豈不以湯德有慙

武善未盡漢道既維魏方亦偏唯以一至之應且為興王

之兆則未有天錫真符聖受明文粹命遠與大禹相續超

與上皇比崇如我國家之盛者焉洪惟龍池盖天之所以

祚聖即今上下居之舊里集作京師爽塏之地集作傍無

竇澤中忽集作檻集作泉非常而靈液涓流無機而神池

文粹浸廣榮光休氣若煙若雲所未嘗文粹有則此之出

雖清可以鑑而深不見底鱗介瑰詭於物文粹其中時

莫知其所然目二本徒見其有異中宗採識者之議狀文粹

壓王氣而來遊聖上處或躍之時乘二本飛龍而合應臨

文粹

淄始封也邸第在馬上黨歷試也靈符紹至天其以是求
命我唐圖象文粹作丁寧有所底止其若茲也夫成數有

時而否至理無代而亡固在乎大聖之生也乘運而作鼓
天下之動安天下之危故獎集作順成功自古之啓佑之

也如彼克定多難自天之協贊之也如此初中宗違代集
氏后黨窺隙大盜徂於得志羣慝起而擅朝集作若綴旌

旒然當此時也天與若不取鬼謀或文粹不協則我宗祖
之業無乃將墜文粹有億兆之命亦猶倒懸聖人感集作

之提劍而起雷電一奮妖沴以清內難既衰外虞有謚推
戴太上臨照文粹作萬邦寔天之為與人更始系皇統維

乾綱决綻補壞蕩瑕滌穢而乃闕典咸備舊章悉舉處窮
盡達在困必通品物資以再生寰區為之一變然後反華

偽於朴還澆醜集作於淳以大道為原以至仁為根動推
是心以御於事人見德而興行神享誠而介福故不在於

刑罰亦不在於禱請大造財文粹成玄猷二本塞有如
陽春播澤觸類皆滋大山起雲無遠不徧雖昆蟲草木與

蠻貊要荒樂其所生安其所習在牛羊而勿踐有于戈而
載戰又况於衣冠華夏禮樂家邦而不形集作於斯須不

久文粹於漸漬者也夫然何教非德何化非經何能事之
不舉何醇精之未極周溥洋溢成集作乎緝熙至於太和

莫不允若體侔天地之大事出皇王之表豈攀跂曲拳盡
禮極力將欲二本彥聖不啻其口所能稱誦於吾君所可

禮極力將欲二本彥聖不啻其口所能稱誦於吾君所可

集作配

殆庶於至德且往者之有開也天感精以降聖聖敬命以奉天此誠有元則欽明文思及茲報本必嚴祗齋懷靈慶以屬之神化以答之與初相明其微乃著紛集作絲綸先兆

非篤信歟由是言之統天者人合符者聖而美集作差德序

命殊尤篤絕豈多乎哉至如古之興王必有所感五帝更

尚五運傍集作旁迥土者黃中之精於金為母集作王水者善

利之物於土為苑苟應集作配期而有來必合德而為表是

則然矣天其或者亦以阜育羣化發揮賸集作粹文集作粹始

告以聖有明徵終成乎帝之神冊因其立象之本會以相

乘之數則載祀集作代六百歷紀千年變而通之胡可量也

宗子宗正卿褒信郡王璆文粹作璆等若干人伯父伯兄仲叔

季弟聚族相與詣闕上言天意昭著固已久矣人事符合

亦至云矣而一德是建太階既平靈臺靈沼赫赫明明天

之為大雖莫能名王之在鎬集作皇王之鎬豈無頌聲上初克讓

抑而未許至於累請乃曰俞哉史臣不敏敢獻頌曰

體侔天地集作文粹阜育羣化群闕本作肇茫茫元昊載凝載薄

在帝庖犧繼天而作浩浩洪水包山襄陵舜亦命禹夏氏

以興龍圖龜書二王是膺湯武以下夫何足徵王浙本作主

右元命

於鑠巨唐乘運而起續禹之統集作績系堯之紀五聖在天

丕命曾孫高視河洛同符混元亦有黃龍出於靈沼明明

穆穆天子之表

此句是板語

右聖德

倬彼東井昭彰集作于天沉精降液下為靈泉靈泉有此

其深無底泌之洋洋其井如醴清德之鑑柔道之體洪源

濬規寔天所集作啓

倬彼閩本作

右靈泉文粹作

濯濯靈泉冥二本冥皇祗滋液流行文粹化為神池日止

曰行惟聖之作匪鱣匪鮪惟龍之躍植物斯生動物斯樂

天根集作有見曾是不涸

右神池

靈有休氣紛紛郁郁如山之苞如雲之族潛龍在下瞻鳥

在集作屋兆云其吉周爰咨詢既契我龜又叶我人鎬雖

舊京其命維新

右休氣

蜿蜿集作黃龍神池自出靈化惚恍集作噴雲沃日告帝

之符其儀孔佶或潛於泉或見在集作田與時順動亦應

于集作天克配我皇無德稱焉蜿蜿

右黃龍

大唐封禪一作壇頌 張說

皇唐六葉開元神武皇帝再受命致太平乃封岱宗禪社

首鑿石紀號天文煥發儒臣志美立碣祀集作壇曰厥初

生人俶有君臣其道茫昧其氣朴畧因時歆起與運而紛

落泯泯沒沒而集作文粹無聞焉爾後聖人取法象立名

集本文粹
有大字

位衣裳以等之甲兵以但之於是禮樂出而書記存矣究

集作文其源教集作文敬乎天地報其本致美乎鬼神則

封禪者帝王受天命告成功之為也閱曩聖之奧訓考列

辟之通術疇若天而不成曷背道而靡失由是推之封禪

之義有三帝王之畧有七七者何傳不云乎集本文粹道

德仁義禮智信順之稱聖哲逆之號狂悖三者何集本文粹無此

字一位當五行圖錄之序二時會四海昇平之運三德具

欽明文思之美是謂與天合符名不死矣集作有一不足

而云封禪人且未許其如天何言舊史者君莫道於陶唐

舜禹文粹作臣莫德於臯陶稷尚三臣備德皆有天下仲

尼叙帝王之書繫魯秦之誓明魯祀周公用王禮秦承伯

益按周統孔聖微旨不其效歟然秦定天下之功高享天

祿之日淺天而未忘庭堅之德也故大命復集於皇家天

之贊唐不惟舊矣其興之也玄靈啓廸黃祗顧懷應歸運

以義舉撫來蘇以利見護也無放夏之慙武也無伐殷之

戰高祖創業四宗重光有德集本文粹格天漏泉蒸雲濡

露菌蠢滋育氤氲涵煦若天地之覆載日月之照臨溥有

形而希集本文粹景罄無外而宅心百有八年于茲矣皇帝

攘集作內難而啓新命戴睿宗而續舊服宇宙更闢朝廷

始位蓋羲軒氏之造皇圖也九族敦序百姓昭明萬邦咸

和黎民於變立土圭以步曆革銅渾以正天盖唐虞氏之

張帝道也天地四時六官著禮井田三壤五圻成賦廣九

文苑英華

集本文粹
有乎字

廟以尊祖定六律以和神蓋三代之設王制也武緯之文經之聖謩之神化之然猶戰戰兢兢日慎一日約規誨以

進德遂忠良以代工講習乎無為之書討論乎集賢之殿

寵勇爵貴經門翼乎鸛鷺之列在庭毅乎貔貅文粹作豹之師

居鄙人和傍感神寶沓至乾符坤珍千品萬類超圖軼集本

文粹作益謀未始聞記我后以人瑞為心集本有初字不以物瑞為

意王公卿士儼然進曰休哉陛下孝至于天政合於文粹作于

道前年祈后土人獲大穰間歲祀圓丘日不奄朔感祥以

柞聖因事以觀天天人交合其則不遠意者喬岳集作文粹作和

埽集作域路望翠華之來上帝儲恩俟蒼壁之禮久矣焉可

專讓而廢舊勛羣臣固言勤帝知罪至於再至於三帝乃

揖之曰欽崇天道俯率嘉話恐德不類敢憚于勤其撰巡

狩之儀求封禪之故既而禮官不誠而備軍政不謀而輯

天老練日雨師洒道六甲按隊八神警蹕孟冬仲旬乘輿

乃出千旗雲列集本文粹作引萬戟林行霍濩燐爛飛焰揚精原

野為之震動草木為之風生歷郡縣省謠俗問耆年舉百

祀興墜典葺闕政攸徂之人室家相慶萬方縱觀千里如

堵城邑連歡丘陵聚舞其中垂白之老樂過以泣不圖嵩

里之蒐復見乾封之事堯雲往舜日還神華靈鬱瀾漫乎

穹壤之間是月來至於岱宗祇祓齋宮滌集作享濯靜室凝

神玄覽將欵太一議夫泰山者聖帝受天官之宮天孫惣

人靈之府自昔立國莫知萬數克升中而建號惟七十而

人靈之府自昔立國莫知萬數克升中而建號惟七十而

有五我高宗六之而今七矣非夫尊位盛時明德曠代遼
潤難弁之甚哉先時將臻夫大封也累封壇集本文於高

岡築泰壇於陽陟集作夫其天壇三襲辰陞十二成秩衆

靈列座有次崇牙樹羽管磬鏞鼓宮懸於重壤之內于戚

釵受鈎戟殘戮周衛於四門之外伐國重器傳代絕瑞旅

之於中庭玉輦金轂翠冒黃屋夾之於端路庶官百辟集

僚羗夷蠻貊褒成之後讓王之客叙立於禮神之場髦頭

拏牙鐵馬金鏃介冑如雪旗幟如火遠匝於清禁之野於

是乎以集有天正上元法駕徐進屯千乘於平路留羣臣

於谷口皇帝御六龍陟萬仞獨與一二元老執事之人出

天門臨日觀次沆壑宿嶢巖赤霄可接白雲在下庚寅祀

高祖於上封以配上帝命衆官於下位以享衆神皇帝冕

裘登壇奠獻俯僂金奏作集作叶佾羽舞撞黃鐘歌大呂

開闔闔與天語請集本文將信公奉斗布度懋建皇極勤

恤蒼生招嘏乎未兆禳災乎未萌上下傳節而禮成樂遍

福壽同歸而帝賜神策乃檢玉牒於中頂揚柴燎於高天

庶衷誠而上達若憑燭而駕煙日轡方旋神心餘眷五色

雲氣拂馬而集本文隨人萬歲山呼從天而至地越翌日

尊睿宗侑地祇而禮社首遂張大樂觀東后國風惟舊無

黜幽削爵之誅王澤惟新有肯災大賚之慶不浹日至化

洽於人心不崇朝景福遍於天下然後藏金櫃於祐室廻

玉鑾於上都煌煌乎真聖朝之能事而高代之盛節者也

文苑英華 卷之三百七 七

于斯之時華戎殊俗異音同歎曰岳集本文合多兩山峻

多雲一作靈豈有大舉百萬之師尅期千里之外及行事之

日則天無點翳地無纖塵嚴冬變為韶景寒谷鬱為和氣

非至德孰能動天如此其順者乎昔人云自西自東自南

自北無思不服今信知聖人作而萬物覩其心服之謂矣

或曰祭泰折拆主先后非禮歟曰是禮也非宜也王者父事

天母事地侑神崇孝無嫌可也且夫柴瘞外事帝王主之

蒸嘗內事后妃助之是開元正人倫革弊禮起百王之法

也故令千載承集本末光聆絕韻咀甘實漱芳潤燦玄

妙之至精流不已之淑聲臣說作頌告於神明四集作皇

墳而六集作帝典雖吉甫亦莫能名徒採彼輿人之詩曰

大矣哉維天為大維皇則之集作率我萬國受天之祺子

孫百代人神共保綏之云爾而已矣

華山述聖頌并序

達奚珣

序曰懸象著明莫大乎日月我聖人之文也發祥儲祉莫

大乎神祇文之所繇興也原夫天作太華氣雄羣山秉靈

伊河受命如響自坤元之所開拓雲帝之所巡遊祀典雖

存宏圖蓋闕洞陰陽之不測其惟大聖歟於是藻翰自天

發揮神化建碑于廟以光寵焉乃命朝英實司其事經始

勿亟庶人子來徒觀其神翰坤珍美石次玉追琢之際厥

聲冷然磨礮之後其光洞納樹之平地巖巖斷山六龍盤

薄糾其上羣神羅集作立負其下藝事既畢宸章乃開竊

以洪鑪大造之時天動地業秘錄聿來之日風搖雲起詞
義至廣含元一作光氣而運行翰墨至精吐奎星而飛動剛

柔相錯神妙無方合而五光昭離而萬象列宇宙之間粲
如也繇是發巖巒之氣色益祠廟之風稜不怒而威有來

加敬蓋因大君之一顧也寵秩榮幸不其至哉初有司以
法駕時巡路直斯地將選巨石先期底功天意若曰夫人

神之主也嚴神以為人也今稽事未已工徒復興人儻失
業神將何遽方待歲暮以須後圖粵若碑版業乎刊刻通

其變則人不倦節其用而財不傷俾夫役者逸於從事天
之臨下其道有赫曲成萬物何往非宜時厥使臣乃昌言

曰國之大事在祀神之所歆在德以德舉事吾君有光比
夫周銘弁山存乎車轍馬跡漢祠少室蓋欲遙輿一作輿

舉至誠逮下可同年而道哉頌聲未作詞客之過小人固
陋遊聖難名寔賴文宗繼其不逮敢託呂補闕向為之頌

云

天輔聖德配極而崇帝者祖號神行慈旨布澤而洽人之

父兮叶命高嶽喻壽其聲招靈祐兮飛文孤標洒翰天類
使物覩兮騰雄激烈交夫聲芬偃上古兮發潤飄清物此

先一作光氣覆下土兮探異閱妙意力猶懸空作矩兮徵往
到近辭聽相援一作授無與伍兮

大唐封禪壇頌 庶衷誠而上達而文粹五色雲氣文起

校正九十四字補校記二十五字 四月十五日

文苑英華卷第七百七十三

文苑英華卷第七百七十四

頌三

帝德下

無疆頌八首

慶鴻名頌一首

靈武受命宮頌一首

大唐河西平胡聖德頌一首

鳳翔出師頌一首

降誕頌一首

皇帝親庶政頌一首

中和節頌一首

無疆頌八首

李華

臣華言伏以漢明帝時徼外蠻夷槃木白狼獻時歌頌德
屬事史官况臣自魯祖至臣備國家職員臣又逮事玄宗
肅宗今以餘年獲事陛下官歷御史補闕尚書郎命薄多

病不獲奔赴闕庭恐先朝露同於泥塵若無歌詩頌德曾
蠻夷不若也敢述列聖為無疆頌式昭皇家大慶無窮謹
昧死稽首以聞

高祖元頌一

昊昊旻天監於下句興有德句維隨之杪時黷陰凝陽潛
未登人思炤矣雷行龍興盪濯雰戩文明乎萬國垂仁烝
人載親天監保我子孫巍巍皇皇後之皇丕承之

太宗烈頌二

高祖受天命誕興太宗承天之命帝煬昏逾黎民一作毒
痛甚蕤于爐甚溺于塗以號以呼呼天無辜高祖謂太宗

爾必有天下爾其訐謀太宗稽首主令二字一作恭受天命臣

請滌除張我師撫征四國剪薙羣慝鼓一方三方振一作震

驚默炤其靈隨顧而平我負我乳我安我成以奉君父以

臨天下任忠孝文武建禮章樂舞我雖明德諫則納汝維

時一作維帝降祐之自古明后莫如我德我勛唐無疆天子

之無疆本太宗成一作命

高宗康頌三

肇為趾為堂實勤實勤一作實勤付俾厥裔丕成承后帝帝思

不忘神業靜康不耀而光不求而昌自中方外達夷荒一作

瞻我大邦助祭于廟執貢朝于王油油時雲雨厥百穀

溲溲景風扇彼嘉穀飴口飽腹以馱以足俾壽而福都阜

成天人

中宗興頌四

屏丙無一字蠱之毒興一作豐而為腹無一作謀虐天人無一字

族天祐聖祚五臣杜三字一作八柱將覆帝告五臣保翼朕躬赫

赫彤彤日昇雲中五臣受命鉞爾頑克故曰再造我天命

一作下生人舞鼓既孤一作成矣又奉父母

睿宗德頌五

后戚之禍再興其危一作有競競廟桃震怒陰命聖子翼登

聖父奮其神旅宵伏金斧金斧一斷一無此四字殄殲逆亂大

聖昭臨元元宅心歸祚於一作予有功有德於乎盛德

玄宗文頌六

丕鑠玄宗之明克孝克仁允武允文宣祖宗之光垂於一作

丁子孫盛禮畢舉大樂畢陳百蠻來賓元元阜殷戎或不

賓悉一作遣師徂征罔不頓顙踣於一作于雷霆在漢方昌用

刑慘酷中都繫考六萬餘人使者按錄誅千萬人然後興

王一作其光武赫赫誅沛賓客以千以百孝明稱賢楚獄

連年坐死逮捕以萬以千猶曰漢祚宜長越我宗祖不忍

用刑至於玄宗哀彼鈇鑕降為鞭撻誕古萬一作羣國大為

屋室醫彼百疾追懷登遐正一作止害禽畜芳為陂池養鱗

水族一作鱗介族既濡既溼昆虫草木享國五十年寓縣晏然

逆臣犯天天念蒸人若曰寧我負耻不忍人戰死乃告元

子理兵朔鄙西幸蜀都命元子受圖天下既定父堯子舜

歸於一作于國都無不忻愉無不涕濡付一作傳聖自願升靈

太微嗚呼上聖之道之純不可度思

肅宗孝頌七

穆穆孝慈有如肅宗之誠達於一作神祇爰訓六師震發

北陲陵陵雷馳西戎南蠻北狄東夷咸舉其旂佐皇之威

帝心天和一作無筮無卜自一作然丘岳破裂冰

岸一作谷逆隸傾覆朝社大復屆於一作海之外服以與以

濯以舞以躍帝在東宮孝如文王蒸蒸其思一作天地知

其孝既收鎬洛祀於一作陵廟奉迎上聖天日普一作照

有凶有孽將噬將齧我旂方設則已顛蹶如燂于一作雪

尊嚴而仁仁覆而嚴大臣小臣莫不潔廉躬勤百度百度

如其素

今上昭頌八浙本文粹作照頌

大邦之興維天相之曷興曷則一作相有德繼王昔殷王盤

庚武丁昭一作登殷明矧我帝唐一作丕承天命疊引其

慶生我皇聖幼冲聖敬實左右肅宗開國即一作戎羣師

稟教舉則成功自西自東如霆如風蕩滌頑一作克罔不

率從既登天一作位於變時邕人咸曰上如太宗延億兆

斯年延億兆斯祚一無此天博地崇一作地罔不爾容玄

宗元孫象一作玄宗列文肅宗元子承肅宗孝理

一作皆唐文粹

慶鴻名頌并序

獨孤及

唐興百三十八載皇名在宥天下鑄五兵為農器栖萬姓

於壽域道證德洽神人臣和春正月冢臣上將卿士庶尹

洎三老五更公侯伯子男相與揭厲皇猷請增明號上揮

集作謙而未許也僉曰陛下孝達神明道超帝先以德則

符廣運以時則復太朴以功則保定丕業格于上下而尊

稱猶淺鴻名未光億兆之心戴何載神祇之望何塞天子

何南集作而讓者九不得已而俞之乃命有司具昭告之

禮二月乙酉倘法駕朝太清宮飭集作宮神以洒掃詔曰

集作將使警蹕雲動天旋至於靈壇報功乎三清祈福乎

上玄景成享太廟用明水越席玉豆彫纂之禮炳蕭以合

蕓灌鬯以報集作神休擁而萬靈接精意陳而六幽感

丁亥朝羣臣於蓬萊前殿於是四方人大和會命太尉班

五瑞合六樂遂展禮奉策虔受大號曰開元天寶二字集

地大聖文神武證道孝德皇帝是日也解商野之三綱受

塗山之萬玉大赦天下與人更始協時月同度量贊傑俊

書雲物恤高年禮大祗接天瑞受地釐撫柔萬邦存省其

安危遂遡日推筴布慶行賜扇薰風調元氣接集作千載

之大統操三皇之遺珠垂其衣裳與天地合符樂徧禮崇

乘輿乃入然後屏椒房而徹黃屋徜徉乎大庭氏之館泊

兮凝神沉兮存真想洪崖廣成之倫被衣集作裳而下鳳

闕踟躕左右上千萬壽凡遭逢昌運沐浴聖渥而不能頌

烝人賦江漢吉甫仍叔之罪也臣敢有二事乃作頌曰

穆穆闕宮敷時繹思天有成命孝孫受之鋪衍下土報功

神祇我瑞如山我福孔夷聖敬攸感上玄豈私誕受鴻名
載揚緝熙風動雲行兩飛露垂昆虫昭蘇草木阜滋恭已
南面端拱無為集作無為之師栢皇尊盧萬代一時昭假遲遲上
帝是祇求錫多祐萬壽無期 報魂集作報魂

靈武受命宮頌并序

楊炎

臣聞享天降福一作命維德也戡難奉時維聖也必有非常
之運是興撥亂之君一作功以蒼生為憂不以濡足為患以
寧濟為業不以脩身為道此陶唐所以捨而不畏舜禹所
以受而不疑靈武舊功皇帝躍龍之所日者姦臣竊命四
海波蕩一作蕩波我聖皇帝探命曆川文粹之數啓龍圖作受
命或作禪之書付于我皇帝皇帝方一無此字遊崆峒以求至道

於是羣公卿士負玉旒金璽望氣于芒碭之野三進于一作
於問閭之中曰臣聞昔在一作在昔蚩尤連禍大盜中國神農

之一作氏兵莫能勝之一無之字天降玄女勅軒轅氏大定其災
厥後堯有九州之害而命禹禹以四海之功而授舜陛下

主鬯大位十有九年精爽者皆美馨香一作德馨乾坤也必聞
幽贊玄德上達景福有歸六聖覩命曆之期兆人有樂推

一作臨難之請陛下畏災運而不處棄黎元而不顧以至仁為
薄以大寶為輕臣等若不克所請與億兆之眾將被髮撫

膺號於天而訴於帝矣皇帝一有為字唯然改容曰豈人心歟
丁卯廣平王倣太尉光弼司徒子儀尚書左僕射冕兵部

尚書輔國與北軍將士西土耆老萬五千人排闥以訴帝

曰今豺狼穴于一作居宮闕陛下兆庶為餌宗社一作廟為墟

若臣等懇誠一作誠懇未通是高祖不歆於太廟且陛下涉渭

則洪流涸廻鑿則卿一作慶雲見布澤而川地廣勤道而嘉

禾生靈祗彷彿玄貺幽感臣聞符命待聖而作天運否終

而會歲蕤盼蠻會也曆武英明聖也臣等敢昧死上聞帝

乃洒齋宮啓金匱嗚咽拜受詔有司大赦天下改元曰至

德元年尊聖父為聖皇天帝一作武皇帝是日煙雲變作土庶

踴躍黃龍見于一作於東野紫氣蒲于一作於天門翼一作翌日

也數百里衣裳會兼旬也數千里朝貢會踰月也天下兵

車會浹時也四方戎夷一作狄會以一旅兼一作成百萬之師

率胡夷平社稷之難禮郊祀戴聖皇與人合誠心以氣消

天厲一作癘動罔不吉歆無不報是以白鹿擾于一作於王庭

靈芝產于一作於延英化動而功成淵一作唐默而頌聲言禪代

者陋蒼梧易姓之名語嗣守者著一作羞陶唐積善之辱述

戡定者歎四紀而復夏美中興者喞三六而滅新於戲神

祗之所歸往品物之所法象鼓飛龍於尺水仗大義而東

嚮矢謨發號寔在此一作茲都願篆石宮庭以垂萬古俾過

山澤美風雲一作雲之奧窮造化識天地之緼一作鑑臣炎

稽首敢獻頌曰

赫赫河圖啓天之戶一作祐雲從億萬皇在九五惟昔陶唐

克傳舜禹護也武也夫何足數彼被一作被者毅一作毅惟暴惟

貪天寔有一作即命人將不堪皇曰內禪于再于三盡武之

文苑英華

善去湯之慙兵革

一作車

百萬洶洶雷震橫會九州為行為

陣恃力者踣從凶

一作命

者順孝以奉天神而撫運至德唐

堯崇功大禹皤皤北叟垂白而覩沛邑空歌周原已古徘徊

頌聲未介茲土

一作皆唐文粹

大唐河西平胡聖德頌

并序

前人

維唐至德二年春正月武威郡胡泊九蕃夷落內伺師旅之間外合狼豕之克據金城害州伯蛇變交戟之下炎焚大澤之中二月乙丑皇帝以五命之服詔太僕崔侖總中權專上將誓軍前之士却城下之盟又命內常侍劉日新振鼓鐸之音護羗髻一作戎之長林竦蝟合會于東郊粵庚午高牙大旆鐵馬長鑣歎以清笳陣以雲蛇位一作此字列于

四衝蓬頭執戟鼓以靈鼉達于遠路趨悍獷狻虎裘後臂

北陵于土門之隊鈎車雲梯強弩堅楯齊傳

一作是于西烽

之亭於是引熊虎之師仗龍蛇之劍矛戟四起煙塵火色

金鼓一振天地徘徊血亂玄黃聲囂瓦屋是風雲皆入陣

彼草木盡為兵日月垂照於窮鄉皇靈赫臨於天外名王

貴馬大玉文具素女錦衣百金之產萬井之資皆委于入

貢之府布于有地之宮是時也千人勇

一作踊

萬人賀美太

階之符見頌偃伯之儀興特進金城太守李萬頃泊五邑

長吏軍正大夫等言曰蓋聞王命先天以奉時賢神

一作臣是

合統以偕運靡垂乎帝籙不能撥亂罔應乎間氣不得遭

逢故大人之作必先靖難以摧克取暴為治

唐諱國以任賢

杖能為建功磅礴乎茅茨之下葳蕤乎玄古之上斯軒轅
得之以勝蚩尤大夏得之以勝有扈西伯得之去殷代崇
我太宗得之奄有遼海上皇得之克平巨猾陛下得之再
清宇宙掃蕩氛孽一作夔允若大唐之新命復高祖之天下
臣等恭惟六聖騰光百有五十祀周賁海寓澤鋪一作菌
蠶丹穴之賚孤竹之君金罍枯一作括羽委命下吏陛下建
大號績鴻業歸勛祖禰昭事聖皇是必天錫忠良佐成命
噐之臣所應皇運之統伏崇羽之克太康西人求求未裔
願篆石誌美以為頌云

詔虎唐諱臣兮殪天弧載火旗兮耀昆吾霽塵壘兮被戎都

鳳翔出師一有紀聖頌序前人

舜有兩階之舞周有孟津之會皇帝有岐陽之蒐德莫勤
乎安國勛莫配乎立極利萬物莫近乎去暴盖天啓一作受天

元符與人請命冥契相合億兆有歸以昌則感鬼神一作神鬼

之心以征則去雲雷之難維唐七葉姦臣大盜於二京皇

帝龍鳴於河北觀兵二字一本雍上建都發號以朝萬國

心嚮天地志通幽明淳精四達大造玄成於是巢山駕海

之羣狼羸鳥章之君不期而趣於闕下起者四十有三萬元帥

廣平王俶太尉光弼司徒子儀等稽首言曰臣聞天啓聖

以俟時聖感時而赴難非神功不能當大運非玄德不能

合人心故軒轅之道也伏蚩尤宗周之仁也稱極負陛下

之德也大瑞於人人和而動天天與和合氣百姓因之

以獨化四夷因之以子來王師得一作德之以貞勝意者河

洛後怨後東征之期人靈駿奔望西狩之禮天子方齊寶

輅講金匱之書翌日霓旌武賁大車之輪黃鉞靈囂彤弓

太阿荆韓楚魏之廣七閩五貉一作獠之長金鼓百萬車從

九合大陣於東郊皇帝建白麾以誓於軍中曰維高祖歆

于上天四宗重光照臨下土百有五十祀至於聖皇總武

之干戈備文之法象最爾逆虜敢迷天紀盜我符璽黷我

威靈使四海之內兵革縱橫肝腦塗裂旻蒼降鑒錫命於

予俾纘夏已墜之功寬堯未刑之族於戲余匪玉帛山河

是愛惟蒼生之靈一作災害是憂匪天命威力是憑惟人心忠

義是保咨爾張目成天羅植髮成干櫓布和成將帥厲氣

成風雷若作進退爾惟鐸一作旗鼓若斷首尾爾惟常蛇若

戮鯨鯢爾惟干將若拯沉溺爾惟巨艦夏有一旅之衆武

有十人之謀一作暮志定金石信非盟誓爾其念哉是時天

威動六合兵氣連太白乾坤為之塊北河岳為之震蕩彼

狐鳴鑿齒之徒不崇朝而聲返于謳歌一作於謳歌形歸于一作

於蹈舞者幾過半矣故鄆社之師以形勝灞上之克以威

逐桃林之陣以奇破河洛之孽以氣摧帝乃開天牢迴豹

尾陵顛氣掃攬槍應龍秉鉞玄女侍坐乃考夏氏配天之

義備漢皇建武之典雲髦玉輅山動地踊降自西雍幸于

京師萬姓前導百靈為威布德澤望陵寢悲黍稷之將秀

覽城闕之為墟以雷雨洗川澤以皇風消怨怒以大賞議

文苑英華 卷一百一十四 王賈

勤勞以成功告宗廟以詳刑一作明去聾昧以惠政哀困窮

清蹕而奉聖皇稱觴以朝前殿於是東國耆老長安士庶

排御路入天庭動千門呼萬歲煙雲下遶林藪山迴神靈

頌於堂精魄感於廟侯王慶於國父子合一作洽於家鍾石

返於縣壘俎陳於席華戎踴躍喜氣磅礴日退一作非三合

天聲一作齊萬里神謀不得窺其奧天道不能後其時斯一

會之畧也然後動變化為爐假仁義為塗陶氣象鑿耳目

與神合司契以道浸澆漓全犀象之形斷珠玉之脛然後

以景星燭夜甘露清氣昇閭風對天老捨鴻名以還太素

乘大曆而統仁人一作天字紀俾天不思而降不祭而歆以

元和感生淳古於是宰臣聚而言曰主上以神武清難至

德遂人崇勛絕瑞光照萬古開闢日月于今六年百姓豈

忘力於帝乎人臣盍謝生於天乎請相與鑿石于誓師之

場告成于會一作於得衆之地斯王道之盛典臣炎稽首敢獻

頌曰

天命帝兮蕩秩一作矢妖昏交風雨兮會秦門推聖德兮漫海

外五單于兮勇士會俗鳥獸兮家雲島越浮山兮一作之青草

徵羽騎兮列天營啓金滕兮賜長纓日為車兮雷為鼓醢

鯨鯢兮掃煙雨開明堂兮饗文祖帝為皇兮后為母登臺

雲一作雲臺兮冊玉府篆穹石兮駕終古一作皆唐文粹

降誕頌并序于邵

皇唐八葉之中興提天綱披寶圖臨八紘俯萬物垂鴻儲

...

休粵十有七年玄冬陽月旬外三日天子居北堂左介受
厥初之慶自予弼暨羣官丞令咸歸休澣則歌康衢樂壽
域者其百姓之歡心有司諫掌綸之臣當右掖分宵之直
望閭闔沐薰風齋心以虔稽首獻頌其詞曰

甲觀畫堂繞樞神光十月良月降生我皇焜殊祥兮續我
疑繼文時惟聖勳格苗戡黎爲天下君望如雲兮蒼蒼海
隅達我天衢七戎蠢狄西殲北徂外無虞兮白翟遐通嘉
禾薦豐兩樹連里五雲飛空歸大同兮金闕峨峨清晨伊
何萬國筐篚千門詠歌歆太和兮舜膳以甘堯樽以酣誕
彌之朔旬而有三湛恩覃兮南山于前北辰于天臣某獻
壽維億萬年象帝先兮

皇帝親庶政頌

并序

呂溫

臣聞光宅大寶茂育羣生神而明之必在上聖然則所同
者道所異者時或以垂拱仰成或以勵精自致及乎俗躋
仁壽理洽時邕弛張之政不殊勞逸之功則倍我皇帝體
至化含元精苞乾剛履坤順誕膺駿命恢慕鴻休宣八聖
之重光集百靈之奧祉如天之燾如地之容鼓義爲雷霆
奮仁爲風雨幹璇衡而轉七曜懸金鏡而納九圍廓氛沴
而川澄沓禎祥而山委昔軒轅氏斬蚩尤滅火帝功至大
矣若非伏風后之助受玄女之符未能尅也陶唐氏誅四
罪定水災德至厚矣若非大舜之登庸伯禹之盡力未能
成也湯以伊尹爲相始定殷功武以太公爲師乃康周道

高宗紹復資傳說啓沃之言宣王中興賴山甫將明之致

集本川今陛下太康四海雄軼二紀百姓不知其日用羣

粹作政

臣無望於清光二本而乃業邁乎前王功高乎古烈聖作

物覩孰知其源竊以管窺天倪蠡挹溟量庶乎大畧可得

而言焉陛下自代天統物之初則以屈已濟人為意度臨

庶政窮總萬樞四冊賢良六親郊祀勤恤於理本盡瘁於

生靈詳曠代之所未詳慮列辟之所未慮夏巢典

天疑作景

景而方食寒星在而求衣寸陰不捨於論思子夜猶觀乎

啓事除一物之患而品類以

二本

安伸匹夫之寃而庶獄

自直

一作息

棄瑕而錄用含垢而宥過小善可紀必拔於宸

衷片言有孚不忘於睿聽至如天時之豐約地利之夷險

邦賦之盈虛師律之貞暴閭閻之疾苦稼穡之艱難人風

之情偽吏理之得失莫不密歸神筭潛納皇明雖陰陽不

能以氣欺雖神鬼不能以形遁何細而不及何大而不苟

何秘而不彰何難而不就猶復登臺念在險之慘聞樂思

向隅之情御裘感短褐之寒臨膳憂簞食之餒日慎一日

既泰而不自泰既安而不自安兢兢乎業業乎此其所以

廣運而有成全功之克舉者也然而感覆燾之恩者欲天

之彌高荷容載之德者欲地之彌厚仰照臨之明者欲日

月之彌光微臣被淳風飲玄澤親挹行事親

二本觀昇平

憂勞誠難願陛下勉之而已美善誠盡

二本

願陛下保之

而已若夫雖休勿休玄默優柔君上之體也適觀厥成蹈

舞頌聲臣下之職也為而不有德莫至焉知而不稱罪莫
大焉臣某敢昧死再拜稽首獻皇帝親庶政頌一首其詞
曰
士師邁德玄元儲慶幽而復曜高祖受命貞觀致理開元
殷盛艱而復康皇帝親政受命維何邈萬斯年親政維何
夕惕乾乾天道福謙我則奉天人生在勤我則率先憂堯
之心勞禹之形求人之瘼思國之經年亦豐止御膳不饜
夜如何其皇寢未寧偃武文脩武武文太和氤氳海不揚波天無
纖氛鳥章之長椎髻之君會朝明庭其從如雲巍巍崇崇
於穆昭融宜播大樂以宣皇風鏗鏘盛德蹈厲二本神功
下臣作頌永示無窮

中和節頌

并序

白居易

乾清而四時行坤寧而萬物生聖人則之無為而無不為
神唐御宇之九葉皇帝握符之十載夷夏咸寧君臣交欣
有詔始以二月上巳日為中和節自上下下雷解風動翌
日而頒乎四岳浹辰而達乎八荒於戲中和之時義遠矣
哉惟唐之興我神堯子兆人而基皇德太宗家六合而開
帝功玄宗執象而薰仁壽之風代宗垂拱而阜富庶之俗
鳥弈乎赫赫煌煌八聖重光以至我皇我皇運玄樞陶淳
精治諱定而化成嗣皇極於穆清納黔首於清平集作昇平
于時數惟上元歲惟仲春皇帝穆然居青陽太廟命有司
考時令以為安萌芽養幼少緩刑獄布慶賜蓋百王常行

之道未足以啓迪天地之化發揮宗祀之德乃命初吉肇

為中和中者揆三陽之中和者酌二氣之和其為稱也大

矣非至德集作聖疇能建之於是謀始要終循義討源于以

九八節而七六氣排重陽而拉上元煦元氣于原集作壤

則幽蟄蘇而勾萌達噫和風于窮荒則桀鷙化而犷俗淳

垂萬祀以摠無窮被四表以示大同于時兩儀三辰貞明

網緼千品萬彙熙熙忻忻繇是文武百辟僉拜首而揚言

曰大哉睿德合於玄造又曰若在唐堯敬授人時聖於典

謨降及周文在鎬飲酒列于雅頌斯蓋欽若四序凱樂一

方而已未若肇建令節混同天下澤鋪動植慶浹華夷若

斯之盛歟蓋聖人之作事必導達交泰太幽贊亭育與元化

合其運與真宰同其功不體哉其至矣賤臣居易忝濡文

明之化就寶貢之列輒敢美盛德頌成功獻中和頌一章

附于唐雅之末頌曰 拜首 京本作拜 其至矣 此下京本 有夫字

權與胚渾玄化集作黃既分煦姬網緼肇生蒸民天命聖神

是為大人大人淳淳為天下君巍巍我唐穆穆我皇慕承

九葉臨照八方四維再張兩耀重光齷齪唐虞超超一作超越

羲皇乘時有作煥乎文章乃建貞元以正乾坤乃紀吉辰

以殷仲春吉辰伊何號為中和和為大和中維大中以暢

中氣以播和風萌芽昆虫昭蘇有融如幹玄化如運神功

集有於德浹道豐萬邦來同微臣作頌垂裕無窮

校正一百四十二字

四月十五日

文苑英華卷第七百七十四

文苑英華卷第七百七十五

頌四

頌德上

唐故襄州刺史靳公遺愛頌一首

唐濟州刺史裴公德政頌一首

唐故幽州都督河北節度使燕國文貞張公遺愛頌

一首

唐故洪州刺史張公遺愛頌一首

唐故懷州刺史贈太子少傅楊公遺愛頌一首

平原公遺愛頌一首

唐故襄州刺史靳公遺愛頌

集作并序銘

張九齡

江漢間州以十數而襄陽為大舊多三輔之家今則一都

之會故在晉稱南雍在楚為北津厥繇龐雜亦云難理而

前此領郡鮮能安人或猛或寬或拘或抗跡多弗類俗亦

弗寧是以天子念與我之共理而公受頒條石本作煩卿之寄

矣公名恒字子石本無濟其先某三字石本人也祖師幽

州長史父禮庭奉天尉監察御史世石本作代不苟合義在難

進雖無克量之位而有積善之烈矣公性持重有器望即

温而聽厲動敬而居簡十字集作即温而厲居敬而簡度量可以軌物德

義可以服人而先王遺言率由好學君子行道必本忠恕

浚源水潔勵翼雲翔故一舉為拾遺已有遠致三入為御

史侃然正色當時知音謂且大用而尚書理本郎官選才

亟踐諸曹克厭羣議及在典外集作郡遂佐益州攝御史

中丞集作成都督西南軍事原軫超將豈唯上德翁歸中立

實兼文武先是兵連蠻徼歲轉軍儲擾我公私費以巨億

公乃急其所病思有以易之建大田於雲南罷饋糧於巴

蜀向之踰重阻冒毒瘴負擔以踣斃垂餌集作甲於剽掠者

每十有五六及公底績盡境賴全至於是邦也政實有素

今也唯行不違其方以索其極莫不教之誨之優之柔之

從者善之否則威之先德後刑端本肇末物知所勸事則

有經率訓者衆多變薄為厚感惠者深遠既和且均夫然

後石本無人斯耻格庭少爭訟叅佐閑拱屬城晏和石本作如

其始也一年而政成其終也三年而頌盈愛之如父母畏

之如神明開元十二年以理跡尤異廉使上達天子嘉之

之如神明開元十二年以理跡尤異廉使上達天子嘉之

稍遷陝州刺史既解印去郡攀車盈途或願石本無願字借留

無緣而人吏遮道或瞻望不石本作弗及而老幼啼呼如是者

五里已終朝十日乃出界而皆言曰捨我何之及聞公之

喪哀可知矣市為之罷春以之輟惠愛之結深古今之感

一蓋為仁由已而遺德在人者其若是乎郡中士大夫與

門生故吏聚族而議譔德是以刻石立紀彼銅陽之陋墮

淚成碑此峴山之績集作銘曰

英英靳公宣哲秉彝為我髦士作人元龜倜儻大節磊落

瑰詞人亦有言天實資之御史直繩郎官高遷選動必兼

能皆再踐糾邊集作過邦慝彌綸事典遂及我人化流樊沔

激勵素風抑揚善政約已為法急人所病物固推誠事匪

忘敬感被于下仁明在詠舉德不鮮涉道載深穆然清風

莫其遺音靳公既沒厥跡可尋靳勅石是圖以慰眩心

唐濟州刺史裴公德政頌 孫逖

昔太公之理齊也尊賢知尚有功泱泱大風千載不泯石

慶古之良相也臨淄社焉于公古之良吏曹也東海祠焉

裴公今之良太守也濟北頌焉今古一揆謂之齊志苟非

其人名不偽立君子是以知裴公之為政有異能矣初公

以甲子歲秋八月蒞於是邦祗適明命弘敷令典教之誨

之養之育之俾夫闔境之內靡清風漸膏雨醉純德飽話

言若卜筮之是孚如草木之允殖用克畏慕外于大繇其

明年也皇帝東巡狩至岱宗自洛及交於皇時邁雷轂萬

乘雲旗千里供帳於東道者九十有六州焉大或數圻次
 或萬井中產者輕幣膏梁者倍征方事之殷猶懼不給茲
 郡徧小實難圖也公淵然深識卓然遠謀擇利而行慮善
 以動西自于陽臺一無穀東盡于良清造舟為三橋置騎
 為馬驛闢野為西頃除道為九達或總或結或薪或櫛或
 糗或餼或糧或糗爨之踏踏積之粟粟其崇如糲其比如
 櫛皆先之以方畧繼之以生聚因吏祿之奇贏雜官用之
 餘羨通變合度豐省中程編戶之民秋毫勿與繇是邑無
 征一作徵令鄉無歛法賈不利於乘急農不傷於甚賤且狎
 其野而安其業人所謂勤而不得疑作德施而弗費雖小必
 濟不亦宜乎抑又聞之居簡則易於德緩處煩則難於柔

克大抵皆是其誰不然公始自知供迨於卒業不鞭一卒
 不貫一吏繩責勿用鑄譙無施禮以生其恭悅以盡其力
 役不再令事無後期雖子文治兵之舉叔敖城拆左傳作城圻
 之政類能比德曷足稱多洎鑿輿反施旌別淑慝監頓使
 劉日正勸農使盧怡並奏公理行第一議者以為當矣其
 三年秋大水河堤壞决諸郡有聞皆俟詔到莫敢興役害
 既滋甚功無已時公以為執事諉上者非至公之法也便
 文自營者非盡忠之計也亦既成奏因而發卒播告厥指
 率籲於人荷鍤者襁屬負畚者麇至從公于邁初初如雲
 公俯臨决河躬自護作雨不張蓋塵不振衣饋不致鮮寢
 不處館蔬食以同其烹飪野次以同一作均其燥濕板築競

勤蓐鼓弗勝克鞏而成匪亟而速以浹辰之役興百倍之

利澹一作災革弊人到于今賴焉古之所謂敏則有功豈

虛言矣公之方在河上也有執訊者傳詔命公為宣州刺

史公悼其功之不成且懼人之休怠未即宣布周之密之

公撫巡如初食疑厲不輟及提役既畢國人皆賀公於是

解印出次啓籥見書莫不瞿然而駭曰不虞公去之速也

嗚呼曷歸乎乃大哭既而幢檠就國千旗首途野有輟耕

巷無服馬男女以辨號泣相望或觴于郊或餞于境扶服

遮道沈瀾駐車莫肯旋歸始過信宿一作夫所居人富所

去見思前史以為有德一有君子之遺風猗嗟裴公蓋有

之矣公名曜卿字煥之河東聞喜人祖某皇廟亳州鄆縣

令父守真皇朝成寧二州刺史贈晉州刺史又贈兖州都

督偕受祉必大垂裕不朽彰徹簡冊布昭政一作聞其緒

業有如此者公之昆友故冀州刺史子餘等六人俱以儒

行達天下之人謂之六龍公之自出令屯田員外郎韋述

等七人俱以才名進天下之人謂之七子其族姻有如此

者公畢疑作訃有聲馨非非克類公侯表於龜筮詩禮成於

小學八歲神童擢第則已殊於公路矣下髦之後尤遂於

文長安中則天首命有司考試調集之士而第其詞之高

下公以甲科授秘書省正字異其對也睿宗之在藩邸精

選察屬公為典籤兼掌文翰愛其材也其文藝有如此者
頃之遷國子主簿試詹事府丞歷河南府事曹參軍拜考

功員外郎除右司兵部二郎中自長安令臨此郡自宣城
守改授冀州翁歸爲政不移於故跡延壽理人亟登於高
第入拜戶部侍郎今爲左庶子其闕閱有如此者若乃邁
德由已全誠自衷出入孝悌周旋禮樂幅利以儉葆光以
和仁而有剛直而不倨微妙折理入於無間清明開物周
於有象享茲具美可謂大賢其庇身也弘矣其所憑也厚
矣詩曰布政優優百祿是道又曰君子萬年介爾景福夫
如是欲辭福祿其可得乎方當彌綸帝績豈徒潤色史事
而已盧縣父老某乙等懷公之惠不可弭忘思欲銘德頌
美計功稱伐以予國之史臣也學於春秋褒貶之義乃因
邑子校書郎衛憑假詞不能徵拙於我事則詳實言多遺
恨著循吏之傳願守文翁述馬野之詩慙非史克詞曰瞻
彼濟矣湜湜其泚有斐君子令聞不已帝省其方和鑿央
央務稽布常駿惠于王我隄旣溢我民旣恤成之不日有
始有卒黃髮番番飲公之和矢之不多維以遂歌

唐故幽州都督河北節度使燕國文貞張公遺愛

頌

并序

前人

有唐開府儀同三司行尚書左丞贈太師燕國文貞公諱
說字道濟張氏聖文神武皇帝佐命之臣也開元六祀宅
于幽朔及公旣歿御撰豐碑以爲用公於是邦當革弊之
舉訊彼故老徵於前事有以見聖人之情見於辭矣夫激
碣之北有山戎焉乍臣乍驕或息或縱鎮之以大府府有

都督威之以大軍軍有節度二者之任萬邦之屏彌縫其
闕必在宗臣曩者天冊之初王尚書不反命則我天后以
納言狄公頌之先天之際孫將軍不振旅則我睿宗以太
尉宋公爲之洎陘口之役薛公小衄後數稔傷痍未平易
置諸將少有稱者則我皇帝注意於文貞公社稷之固生
民之傑伊昔徇節未嘗顧身面折二監辯邪正於君側首
謀四凶決安危於天下勇於義力於忠雖有賁育不能奪
已自受命處此聲振殊俗終公之代不敢近邊聖人金城
其在是矣先是公之未至也軍實耗數邊儲匱少帑藏乏
由人之產革車無百駟之羣將欲豐之不其難也公問以
謹俗因而化之命非人採銅於黃山使興鼓鑄之利命杼
人斬木於燕岳使通林麓之財命圉人市駿於兩蕃使頒
質馬之政命廩人搜粟於塞下使循平糴之法物有其官
官贍其事如川之至以莫不增一年而財用肅給二年而
蓄聚饒羨軍聲武備百倍於往時矣猶以爲不一勞者不
久逸不暫費者不求寧旣庶且富人可用也於是塹山澤
起亭障塞鷄鳴之阨守阜陵之衝遮大厦之路距盧龍之
口延袤千里橫絕一方以順天地之心且爲華夷之限命
下之日脩塞之後人到于今賴焉夫戎狄遠却暴禁矣貨
食滋至財豐矣封守以固人安矣師徒不勞兵戢矣武有
七德我其四焉坐致必勝之道以銷未形之患是公之深
計遠慮所致也初公之大用實以詞宗雖亟持國鈞而未

執兵柄及台揆中廢荆衡外牧上將復一有由因以為將

惟幽都克慎厥始惟大原克和厥中惟朔方克成厥終三

駕而時靡有爭繇是復踐中樞之任矣文武為憲斯之謂

歟喬岳告成遂登仲虺之相金華念舊仍遵尚父之師高

朗令終固其宜也昔周有張仲是稱孝友漢有留侯見推

籌畫太守飛聲於朔野司空邁績於西晉及公之貴世德

其昌光于祖考則慶州都督刑部尚書追孝於前烈友于

兄弟則國子祭酒懷州刺史致美於當代施于祚胤則兵

部侍郎駙馬都尉績戎於後葉人臣尊寵舉集其門豈伊

朱綸之盛方繼緇衣之好辯其譜系范陽之大族也叙其

封畧燕國之名都也徵其政理幽州之良牧也美數多矣

斯人之德與夫班伯之榮故郡買臣之驚守邸蓋不侔矣

薊縣父老某乙等感之所致久而益思遠訴不才追書盛

德徽音已隔空悲梁木之歌碑頌獨存應墮峴山之淚仍

係辭曰聖出賢覩為師為輔大國宗文殊方畏武帝謂幽

朔人思鎮撫受命再瞻聿來茲土謀猷既壯闕漏咸補守

固邦寧財豐人聚四牡既駕三邊無侮又何與文疑作玄

衮及黼范陽宗邑燕垂守宇德被塞翁恩深召父琢彼遺

愛傳於終古貞石不塞疑作薊丘之下

唐故洪州刺史張公遺愛頌并序集作唐太子賓客兼御史大夫

洪州刺史洪吉八州都防禦觀察處獨孤及

置使平原郡開國公張公遺愛頌

北斗魁戴筐六星曰文昌宮其三曰貴相聖人法天建官

作為台司以左右民於是乎有敬敷五教平章百姓之職
居之者下代天工上應星宿其或一麾出守八命作牧內
為吉甫外為方叔弘道利物其政一也惟唐七世皇帝誅
羿澆纂舊服得柱石之臣曰平原張公諱鎬字從周秉中
庸之德含光大之量輟耕隴畝為唐臯夔推轂於河南樹
風于荆門作賓銅樓登侍禁掖牧撫人半歲洪州再稔鰥
寡不侮神人咸若慈惠之政洽于百城享壽六十有一歲
在癸卯七月壬寅薨于位夫德之被物也厚則物之興感
也至故公之捐館自九江至於敷淺原南暨於梅嶺東臻
于閩徼而蚩蚩之民靡幼靡艾泣涕乎遺風悽愴乎棠陰
懇懇乎若求而不得企而不及也僉曰平原其可謂盛德

也已子惠困窮俾富而庶若解衣衣我輟食食我棄我往

其集作矣誰育我矣逝矣遠矣音徽沫矣吾儕小人嗚呼疇

依盍詠歌之刻諸金石秋八月既殯耆老集作壽吉州安福

縣丞鄧林集作琳玉等一百一十集作十有五人乃率額眾感謀

及故吏從事州長縣尹虎賁亞旅鄉老二字集作卿大夫相與

稽乎陳迹建頌表德用廣留侯之世家紀子產之遺愛禮

也公曾祖曰善見位朝議大夫越州司馬司馬生武定任

荆州都督府戶曹叅軍戶曹生知古官止代州司馬二字集作

司功叅軍廣德元年贈太子少傅自司馬至少傅世以儒顯天

鍾羨於其後嗣四世而生平原燕頷集作河目犀額山立玉色

森然若大厦棟梁清廟祭器該綜六學大抵以周易為師

將觀集作探化元耻觀朶願隱居南山盖三十暮天寶十四

年集作祀始褐衣召見凡用捨繫于集作乎才行止牽乎時當

無為無事即詔二字集作則許由善卷各得安其節及人思俾

父則黃公角里不能逃其集作於用勢使然也繇是一命左

拾遺再命右補闕脩國史三命侍御史四諫議大夫五命

中書侍郎同中書門下平章事起布衣二年集作歲綰相印

佐王業明敷之盛耀動古今一作今古于時至德二載也天子

集作王方以復夏之師蒐于岐陽三河之人左衽是懼公入

叙百揆出分二陝帥東諸侯之兵收復宋鄭誅後至者以

懲不恪安危之機懸於方寸方將董正東夏懷柔山戎會

帝咨百工曰有能典朕荆楚俾姦宄不作予惟克邁乃訓

於是拜公荊州大都督府長史明年元良肇建上曰疇若

予樂正父師之職汝作賓客卒調護太子嘉言惟允於是

授太子賓客上思夙夜出納言語侍從之臣命公作散騎

常侍會鍾陵鄱陽之間人咨難食上又曰命汝作州伯總

十聯之任俾余無虞惟爾集作汝賢於是有洪州之拜粵寶

應元年冬十月公朝服受命至自臨川彰善用明瘴惡用

威一法度用信布愷悌用德慰薦掾吏勞俸鰥寡化以公

廉扇以禮讓煦而嫗之使自得清而靜之使自定於是豪

民猾吏革面斂手家有忠信人懷孝弟暢於事業布於風

俗浹於人心被於歌詠是歲也三吳饑人集作民相食集作勵

瀟鬼出行札喪毒痛淮湖之境骼胔成岳而我倉如陵我

文苑英華

民孔阜犬牙之境疵癘不作集作入災不勝德也臨海賊袁

晁玃于會稽之役侵我東鄙江介大恐民斯繹騷公命左

軍屯上饒之隘塞常山之口斬其搆突者三千餘人集作級

自是姦黨散落不敢南向而射英華以射字為句是集本連下文邦字非諸郡恐非

邦人安焉羣舒集作書成賊帥楊昭集作招非憑蜂聚之眾殺同安

郡劉秋子集作秋以叛師潰而奔犯我疆場公覆而取之懸

其首于五達之衢凶徒殲焉沈千乘集本書唐作載者新安大豪

結權剽之黨為之囊橐用集作弄兵潢地虔劉我民桴鼓之

聲相聞郡國二千石不能禁公命次將斬之以徇鋤其根

株俾無遺類新安民庶室家相慶江干清焉振六條之宏

綱開布大信從善如流視民如赤子克已推誠以百姓心

為心飲之以和俾服從教化輕剽詰竄奪攘矯虔之俗罔

或干于政慘悴集作牙口牙切恐懼也蹇亟苛察繳繞之吏不能見

其巧哀敬明庶期于無訟德政行焉脊選乃僚必國之良

有若博陵崔賁昌黎韓洄趙郡李惟岳北海王士華河間

邢宙河東裴孝智隴西李道昌皆卿才也以嘉言碩畫叅公

軍事澄清之內無濁流審克之下無冤民淑德集作忒旌焉

公之解短褐而拖國章也十有一年矣雖匪躬之故宣力

不暇而滄州願言未始弭忘每日少伯子房吾之師也累

乞骸骨將角巾故山朝廷方虛三老五更之負集作位待公

而備書未及下而公薨焉嗚呼哀哉哀集作哀德之盛典退

身之正志享集作嚮用之遐福三者俱未從人欲斯可以歎

余明

矣惟公出將入相文武為憲謹言成畧藏在冊府代莫得
 而聞也今採其德刑禮義之善利物者頌之于石慰彼墮
 淚者之心焉爾其文曰純粹之氣升于星辰降為賢人皇
 王得之以釐百工以隲下民九江之南五品不遜百姓不
 親平原來思集作斯遵集作道之以德俾民化淳寬厚以寧集作
清清淨飭躬帥先是動集作師先是猛獸不噬夜犬不吠
 豐年來臻藹藹令德家有膏雨戶有陽春牧我苦晚集作暮
 棄我若新集作若早寔天不仁南州寥寥東山依依德音若存
 千載之後魂魄登此頌聲不泯

唐故開府儀同三司試太常卿懷州刺史贈太子

少傅楊公遺愛頌并序

前人

皇帝嗣位二載河南得賢二千石曰猗氏楊承仙者剛毅
 公庶仁民愛物起輦鼓間為唐循吏天性集作生貞方非有
 經術潤飾推誠御眾以身帥先民用不擾政是以茂于時
 王師始平河北而覃懷纔歸于我大軍集作兵之後城郭為
 墟相國涼公拔公于戎馬之上表為刺史俾慰安斯民集作
 人公既至則吊其瘡痍為剪荆棘省事節用寬其征而均
 其力然後濬決古溝引丹水以溉田田之汙萊遂為沃野
 衣食河內數千萬口流人襁負不召自至如歸市焉鰥寡
 無告不能自耕者貸首種與農器而教道之視五穀所宜
 督其程課勞來不怠使人集作民無不咸返其本每循行屬
 縣問所疾痛時其饑飽心為慘怛如身之恤臂指慈母之

視幼子也性嚴不殘而恭於奉法訓軍以律禁暴必肅有

抵刑者雖拔葵把集作犯禾殺之無赦由是兵不為盜猛獸

不食人河內之犬無夜吠者人人得敦其業而厚其生上

奇其能以璽書勞勉封弘農郡公邑二千戶拜其男銳河

南府參軍方倚以牧民集作民此字無不遐其福大曆二年

八月六日公薨于州春秋四十四皇帝悼惜詔曰軍興以

來列郡凋耗二千石少能以政集作教化稱者唯承仙苦心

精力惠此一州家給而知禮節氣和而無災害三年有成

表課第一賢守既歿誰其嗣之可贈太子少傅好事者撰

公景行謂公清直疆力能勤其官百城之州三軍之帥可

使居其任重集作量不期集作極而歿惜哉初岐國公魯炅之

守襄集作樓鄧也公為新軍佐敢冒集作殊死督戰奮士卒先

蘭集有矢字石亂中敗而滅鼻而不言病卒以是挫敵軍中服

其義勇及涼公秉鉞公集作而委質焉前後保河陽守高平

安潞鎮鄴董戎壺口戮力危機之中賈勇倉卒之間唯盡

敵是求嘗不集作未嘗顧身元戎賴之卒集大勳由是歷羽林

金吾光祿殿中由光祿大夫加開府儀同三司試太常卿

而後至於是州也公嘗表請歸葬途由於洛陽人聞楊懷

州之至也環而觀之及其還也懷人數千須于路其亡也

闔境相吊童子不巷歌凡立誠應物者信不足則行失集作

信不飾智沽名者實不足則名喪若楊公者非仁必由已而

誠在言前則不能使千萬人悅之之速如是某官某者壽

文苑英華

等願復攀公之朱轡望公之清揚而靡因也故立石為碑
以慰後人思其詞曰

六律集作
彼末思云

吳公文翁遭時無危因而綏之其績易施公之來思

集作
斯

大盜始夷師旅饑饉困

集作
丁

于斯時頑民反側比屋流離

飲公醇仁而忘怨咨饑者得食寒者得衣豈知典謀以吏

為師豈必法令信則不欺功倍古人愛及孳孳宜從古欲

集作
人俾壽無期嗚呼不備捨我曷歸公俾我活何以報之

我思公兮泣淚此碑

平原公遺德頌

李華

維上帝降靈為賢弼我大邦鈞明說望協期陳謨仗鉞出
師丕赫厥勛大君以距嶺綠湖八州之域天下震擾此邦

全寧內輔宗師外飭軍旅咽頤荆越鍾以眷右乃命平原

賓護東宮而尊大之師長邦憲肅清華夷朱旂揚轂平原

戾止秋霜伊何視我直方春雨伊何弘我愷悌公張氏諱

鎬字從周河內儒家時賢薦讓詔書徵起三年之間位登

將相吉甫方叔平原兼之間歲臨海往

疑

頑覆浙左滔上

饒瀟皖寇徒戕害長吏潛逼鍾陵宜春盜帥家兵遍山吏

不敢問人愁苦之公默麾偏師勿駭吾人無聲無色羣兇

梟夷下遂其順上遂其仁咸曰不有平原遑恤吾身平原

之政以類而舉是邦胡寃公薨於鎮八州文武吏人老幼

途哭家祭不能舉首夫山傾川竭未為成災大臣盛德捨

榮即哀災之大者刻頌之義發乎心播乎聲施事為教感

哀為德公故吏侍御史博陵崔賁文明殿中侍御史昌黎
韓洄幼深監察御史趙郡李惟岳謨道大理寺丞王士華
子秀刑部尚書員外郎袁州刺史張澹惟清袁州別駕吳
郡陸調牧臣及耆壽袁維清彭正運施希廷李開雲百姓
彭伋潘玉等一十二人咨余為頌撫石而泣故其詞也哀
皇矣明皇求公于野官在諫省將鋤悖克謂公有勛庸授
公肅宗納為輔翼專征徼戎或蹇或通易簡昭融帝命平
原八州隄封深湖大江宣布睿德淳此下國蕩除妖賊安
其父子爰及家室時萬時億山川出雲生此元臣獻歲發
春三靈化醇今則逝矣南方愁辛嗚呼平原如其仁如其
仁

耀動今古

耀集作輝

孝悌

藝本作格

臨海賊

此下藝本有帥字

擔揆

集作突突

慘怛寒亟

列字作慘

而備

集作而除

楊公

遺愛頌貸首種

出月令集作貸其種明疑

必肅

集作以肅

而知禮節

集作

而人知禮節

校正一百三十字連日以補撰緩遠通志凡例每日東暇

僅得校畢一卷可歎也已卯四月十六日歲園老人

文苑英華卷第七百七十五